



04544

循夫先生集卷之二

師太史黃泰泉先生選

潮陽郭廷序循夫父著

後學吳名訓光卿較閱

姪孫郭命守宗重梓

詩餘

醉江月 寄親友

槐陰院落嘆流光已近端陽佳節燕子穿簾雙對語
惹起歸心欲折射箭在呼持盃痛飲記得前年別匆
匆分纜流水不堪嗚咽幾度獨倚危欄樓頭愁見圓
循夫集 卷之二 一 三百五九

滿江紅

塵世浮名似畫蛇何須添足處造化安排定又奚疑
惑人品原來無定價世情真箇如碁局莫勞心得失
是非間空眉蹙 晁可厭學干祿最可笑求多福算
老天公道誰榮誰辱曾說海田多變態又聞崖谷能
翻覆但從容談咲且銜盃真奇特

又

野草連天孤城外斜陽半落風乍冷亂鴉歸盡暮林
蕭索古劍橫空天地小孤帆帶雨煙波濶對遙峯細
認白雲飛傷離別書欲寄愁難說琴未鼓聲先咽
引菱花獨自照怕添華髮梅鬢未煩醫國手漁竿屢
負游仙約倚蓬牕把笛向風吹山崖裂

鳳凰臺上憶吹簫

懷舊

闋苑春深畫樓風細沉吟暗憶前游正金龍漏迥玉
兔橫秋花壓闌干人靜疎簾外幾點螢流清夜永洞
簫吹罷餘韻悠悠休休自從別後空自倚黃昏一
片孤舟望故人千里天際雲頭縱有梅花驛使不盡
此恨和愁傷情處何堪又聽飛鳥啁啾

水調歌頭

逍遙彭澤令瀟洒富春山當日折腰加腹一易一難
拋却琴堂瑣鬪歸去耕雲漉酒贏得百年間萬古清
風在起儒立貪頑我如今年老大鬢衰殘何苦車
塵馬足承望貴人顏想柴桑五柳遙憶羊裘一鉤真
箇此心寒半枕莊周夢無夜不關鄉

又

萬里飛雲盡明月在蒼天銀漢無聲自轉光彩萬萬
年照却山河大地歷盡古今人世依舊此清寒遙望
乘鸞女容與桂花間 簾高捲雲半掩且休眠算我
年過四十曾見幾回圓可是天邊盈縮真似人間進
退何必要求全洗心澄慮露冕對娟娟

赤壁詞

卽醉江月

朔風向曉憶前年策蹇來朝金闕坐究遺經蓮漏永
不覺朱鷄明發麝用床空虬絞簾破無奈寒侵骨雄
心壯志依舊少年奇特 偶爾濫食吹竽彩鸞白鷺
循夫集 卷之二 三

三百十六

共泛凌襪五柳七松成昨夢虛負山中薇蕨歲月空
拋經綸未試怕見星星髮酒船茶竈何時歌對明月
念奴嬌

平生豪氣誰知我只愛山間林裏學劍偶然成一藝
也向霄飛起三百同袍老成年少箇箇都雄偉踈頑
何似在其中亦幸矣 肯羨紆紫拖金鍾鳴萬食庶
免飢寒耳惟有赤心圖報國不負六經而已竹影凌
風梅傲雪畢竟堪誰比五絃彈罷獨自高山流水

風入松 廣城早春

去年飛雪洒征帆寂寞此停驂東風又到薔薇院鶯
聲巧花影紅酣客裡詩情清苦愁中酒味濃甘 新
春寒煖未全諳猶自戀重衫病依魚枕尋歸夢蔗樓
近玉漏敲三驚起湖山空翠故園依舊東南

滿庭芳 客邸聞鴈

江冷將冰天低欲雪寒威透骨屏營柳衰荷敗梅影
弄幽貞可是殘年暫近呼羣雁雲外淒清無聊甚引
盃孤酌歌罷與誰聽 倚樓空極目玉人何在萬里
蓬瀛嘆飛雙杳杳書信難憑屈指相逢時候多應是
循夫集 卷之二 四

望海潮

煙霞高臥松陰長嘯幽樓記十年前六六峯頭三三
徑裏醉携猿鶴留連終日聳詩肩有樓臺風月伴我
清眠身世無羈那時真可賽神仙 年來偶中青錢
與南山豹變北海鵬騫手縮銅章腰縣墨綬誰知百
里非賢學古愧鳴絃喜桑麻雨露綠藹平川不種黍
花笑栽黃菊滿霜天

燭影搖紅 詠燕

海國微禽乘風飛出烏衣巷上林春雨杏花天並入
連雲殿翠箔銀鈎畫捲承繫足新紅縷線主人恩重
自覺身輕敢忘忠蹇羣侶夜來畫檝高處翻歌扇
江湖萬里惜孤飛却恨翎毛短飲翻棲遲林淺又忽
遇流丸巧箭啣泥自語誰與安巢東風庭院

壺中天

橋隱當年愛霜裏秋菘雨中春韭瓢飲壺餐真樂地
高臥簾垂永晝啼鳥鳴蟬落花飛絮不管流年走浮
雲富貴真箇于吾何有誰想今日時來也焚芟製

循夫集

卷之二

五

玉佩參鷓偶五斗千鍾都帝澤報國敢論薄厚黍
稷如雲禾麻遍野猶恐吾民瘦靈丹一粒安得爲人
問

江神子

畫橋南畔粉牆東柳青菊映簾櫳手把玉簫吹落杏
花紅回首少年人易老歡娛總成空倚闌試聽水
深深雨冥濛嘆飄蓬玉樓深處誰與撫枯桐畢竟浮
生都是夢將往事付冥鴻

桂枝香

和荆公金陵懷古韻

新秋拭目望六代遺基曉風清肅當日迷樓何在入
雲高簇蝦鬚捲翠飄香霧咲戲誼貫魚嬌矗步步蓮
花朝朝瓊樹歡娛未足念弓馬突來馳逐嘆吹徹
玉笙餘韻難續行酒青衣空忍一場羞辱興廢而今
雲雨但堤柳年年春綠間關黃鳥猶如當時教翻新
曲

漁家傲

和館驛間韻

有一美人金玉質手中拈着僧繇筆頃刻畫龍雷霹
靂真飄逸棲遲江海無人識寒雪滿簷時暴雨披
循夫集

卷之二

六

衣坐處還捫虱每愛幽風吟蟋蟀堪嗟惜而今白髮
巾中出

少年遊

曉行用林少瞻韻

滿林松葉露珠明螢火亂寒星
咿啞鷄啼敲蒼茫月影流水斷橋聲
霜風吹冷殘酷醒衰颯髮綠絲輕
上苑烟花故園雲樹兩處總含情

沁園春

二十年來琴聲劍氣自負不磨見天馬行空思攀逸
駕騰海欲附清波綠筆生花青袍入夢脫却漁舟舊

釣叢君恩重欲求歸未敢歲月蹉跎 西山爽氣偏
多又安得堯夫借一窩向風清嶺畔掀髯長嘯月明
江上拍手高歌楮帳雲深藤床雪冷高臥便然睡作
魔看人間榮華富貴總付流梭

摸魚兒

望東郊烟草蒙茸花光遠如繡幽禽弄舌聲嬌巧樹
底笙簧交奏逢佳候共說道韶華嫵媚江山秀晴天
永晝任寶馬嘶風朱輪碾日一步回首 思前事準
擬重尋難又空勞夢魂奔走軟紅堆裏烏紗帽誤盡
循夫集 卷之二 七
擎天妙手君知否君不見朱顏綠鬢都非舊虛名難
守看鸞坡宰相虎帳將軍爭似神仙偶

蝶戀花

富貴榮華真熱鬧無奈乘除自古誰能保巧智深機
空擾擾老天賦與終分曉 蝸競鴟張何日了平地
風波不似歸來好楊柳陰中堪下釣雲山草閣直蓬
岳

長相思

風滿樓月滿樓百尺蝦鬚上玉鈎清宵爽氣浮 茶

一甌酒一甌讀罷乾坤萬慮收吾心與易謀

又

桃花紅杏花紅春色交加景正濃風光處處同鶯
聲融雀聲融庭院深沉樹影重人遊錦繡中

菩薩蠻

閨思

灞陵官柳春來翠被人折盡成枯樹黃鳥寂無聲行
人去幾程雕鞍無處覓馬蹄猶歷歷無語目情長
危樓燒夜香

木蘭花令

舟過塘西

循夫集

卷之一

八

二百五十一

畫船晚入塘西路一陣斜風和細雨打魚舟子笑聲
喧賣酒人家燈火暮江湖踪跡同誰語寶劍孤光
時一露閒來愛讀古人書幾箇中流真祇柱

謁金門

暮春

春歸路風送一溪紅雨粉蝶黃蜂無意緒飛來相對
舞落日孤煙三楚回首斷鴻聲暮簫鼓畫船無覓
處只載將愁去

如夢令

雨夜

風雨殘更獵獵打破芭蕉綠葉點滴近紗厨驚醒夢

鬼飛蝶愁怯愁怯記得陽關三疊

訴衷情

西湖

蘇公堤畔小橋斜碧水蘸紅霞江山滿目如畫處處
綠陰遮 鶯語巧燕聲佳好年華朱樓簾幙畫舫笙
歌人似蓮花

呈相國桂洲夏公

有小序

恭惟大師相桂翁夏老先生大人以元宰之尊爲
海內之望功成名遂身退築白鷗之園以自樂若
將老焉然乃心王室何嘗暫忘每于詩詞焉見之

循夫集

卷之二

九

三百九五

天王聖明眷注于公者亦罔替朝夕焉是故御札
天使一朝飛來公遂幡然而起 聖君賢相相與
共成光明正大之業其在斯行也乎某等辱宰貴
溪蓋公之桑梓鄉也承公之教久矣茲者勸公之
駕而難于爲情敬成蘇武慢一闋聊代渭城之唱
詞云乎哉詞曰

萬里星軺九重鸞詔遙自五雲飛至鳳闕凌空龍樓
耀原是衮衣遊處霖雨重施鹽梅再整真爲蒼生而
起道舊時司馬公來應是華夷共喜 想都門觀者

如墻行人似蟻額手歡聲動地滄海無波東風叶律
翹首昇平堪指綠野堂深白鷗園靜那得并爲私計
願此行功滿乾坤又見說說孫子

賀夏相國華旦小詞

有序

伏以聖人撫昌運而興寔生名世 國家致太平
之治允藉元公天宜錫以脩齡世乃終于有慶恭
惟 上柱國元老相公桂翁夏老先生乾坤間氣
河嶽精靈紫電青霜炫華端之文采木牛流馬妙
心上之經綸自袞然于筮任之初已卓爾有公台

循夫集

卷之二

十

二百四

之器風標玉立望之知爲正人德量淵宏識者推
爲豪傑材品久著聲譽遐聞蓋誠命世之賢夙抱
真儒之學正色而談時弊勁氣橫秋致身而又

王家孤忠貫日任智者之所不億發前人之所未
爲允也一代之著龜信乎中流之砥柱以是受知
明主魚水相驩于焉命總百官塩梅獨寄稽古典
而興禮樂申今制以正紀綱恥世居玉霸之間致
主子唐虞之上聲色不動宗社寄以爲安危交武
兼資夷夏聞之而悅服論名臣中興第一數人物

舉世無雙身允成功致爲臣而去人惟求舊終勞
側席之思東山復起謝安蒼生何幸中國再相司
馬邊境自安德已格于 皇天績宜書之太史今
值彖弧初度又當花甲重排福壽無疆神人胥慶
某等辱守遐阨欣逢華旦空懷小草之志莫將九
老之仙圖願祝大椿之年同躋八荒于壽域謹述
沁園春之詞用代瑤池之觴詞曰

紫閣元公青宮舊老

聖代名儒看禮樂輝煌姬公

六典文章炳耀禹稷二謨宇宙中興華夷一統都是
循夫集 卷之二 十一 三百卅二
先生赤手扶何幸嗜羲皇世界姚姒規模今朝正值
懸弧 喜南極星明照帝都願天錫千齡永毘黼袞
身膺五福長輔瑤苗醫國功多寢牀夢兆真箇神明
與道符果然見蟠桃結子老風生雜

賀江宮伯壽誕小詞

有序

伏以皇天佑聖開一代之文明嵩嶽降神產萬人
之魁傑宗社倚重福壽兼隆恭惟 柱國大宮伯
真翁江老先生萃宗龍鳳文苑著龜翠竹碧梧瀟
洒出塵之韻瑤琴錦瑟和平治世之音自南省之

魏科登金鑿而獨步螭頭直筆在董狐孫盛之間
聲水明經負安定伊川之望一司武庫再掌文衡
奕李于焉成陰旌旗爲之出色當盈廷有大議論
弗隨時而少浮沉炯炯丹心貫九霄而直上英英
豪氣空萬馬以無前是真儒臣能持國是六龍簡
在方屬意以臨軒三虎何稽忽流言于滿市廼望
西山之爽氣來訪東陵之舊遊念 聖哲圖任之
惟勤寔 廟堂論思之是賴中國相司馬行當慰
夷夏之思宣室召賈生豈特爲鬼神之間茲逢

命之月正值耳順之年賀客填門皆祝壽山福海
鄙人愛國是祈霖雨盭梅強述蕪詞用旌賀悃詞
曰

虎觀儒臣鸞坡詞客天上神仙念午夜明珠相看按
劍青雲金馬暫拂蹄鞭若水奇材文山壯志那得優
游范蠡船 君王聖見朝歸赤舄院賜金蓮昨宵南
極星懸喜吉旦華堂開壽筵願歲歲春風蟠菴映日
年年寒雪古栢叅天玄冕栖蟬緋袍繡蟒長侍 玉
皇香案邊華夷望好勳銘鍾鼎形畫凌烟 沁園春

伏以龍泉出匣氣燁燁以騰空
蠶鼓在庭聲洋洋乎盈耳
蓋實勝則名自著蓄深而發必弘
駁有異人豈無識者恭惟節
豸史蒲翁尹老先生冀北名
駒溟南勁翮舉筆端文彩光
分雲漢之輝越心上經綸妙
奪化工之巧蓋士林之冠冕
寔邦國之棟梁早撥巍科遂
躋臚仕小屈屠龍之技薄試
諸難旁觀搏虎之才作用自
別置膏油而莫濶懸夏楚以
示威明慎而不留獄釋塵之
才堪驚哀矜弗喜

得情冬日之名允稱楚囚自以無寃秦民尚亦有
利兩邑視篆聞歌頌之載揚二院推賢乃旌嘉之
登至政果成于朞月勞何俟夫三年大書特書而
屢書行見名標于殿柱一命再命而三命即當位
列乎廷班某等職忝屬官懷愛莫助之志目瞻盛
事切喜而不寐之私勉述燕詞用申賀悃詞曰

風月襟懷水霜節操江漢奇英看霖雨有施間闔潤
澤福星光照山水澄清岸上遺刀市巾囊瓦到手真
如破竹敲園扉裡見栢揚臥影芳草叢生試看青史

前程端不讓循良古吏行是俺家慈父耄倪頌德人
間活佛遠近知名督府褒賢栢臺旌善公論昭然似
日明青雲上看海天空濶鷓鴣秋橫 右調沁園春
賀傅郡侯疊膺旌薦小詞有詞

伏以聖人居九五爰重股肱之選國家重二千
石寔膺方面之權惟昭教育之洪勳宜舉明揚之
盛典輿情允協陽德用亨恭惟卽台輔築翁傅老
先生清朝名士間世醕儒山川鍾有道之容冰清

玉潤廊廟推出群之韻琴舉瑟張罷宇端凝巖巖

循夫集

卷之二

十四

三百六

若千仞之聲度量深廣汪汪如萬頃之波誠一世
之珪璋寔朝中之領袖蚤題雁塔亟造錫行粉署
賢勞首膺四岳之薦 丹宸眷注命專千里之勞
心以忠信誠懇爲先政存公平渾厚之體禮樂覃
被道義兼隆蓋誦其詩讀其書博貫穿乎今古宜
顯諸仁藏諸用大發洩于經綸無行不快乎人心
凡動必稽諸天意愷以教悌以安允斯民之師帥
柔不茹剛不吐兼仁者之勇功敷政自爾其優優
一弛一張孰非文武之道明刑雖不爲察察百發

百中自驚姦宄之心直方大一以貫之清慎勤三
者備矣猶已溺猶已飢何管保民若子代天工代
天意真能倒案如山風已歸于一同政爨止于二
異已身克正誠可度可法可觀民志罔欺寔不敢
不能不忍譬無聲之甘雨潤物無私信有脚之陽
春到處有象未有如此而不譽于天表卽當繇是
而遂聞于禁中古靈薦草推爲弟一豈偶然哉山
公啓事特表無雙固其所耳兩院旌嘉四方稱頌
潁川之治當入相以奚疑渤海之功何司農之足
循夫集

卷之二

十五

羨某等叨承屬吏幸獲宗師仰製錦之奇功私相
贊嘆覩干旌之盛事莫罄揄揚謹述爲水調之歌
預爲台鼎之慶詞曰

英轍昭 北闕雅望重西邊獨握麟符作守當路福
星懸文采水壺一片經濟靈丹半點人道是神仙花
村無犬吠綠野有牛眠 歲年登風雨順醉堯天屈
指清朝循吏端的冠時賢一省蘭臺交薦一日 楓
宸特召雲漢藹孤鶯勳名垂皞日風節遡長川

賀汪憲伯壽五十小詞有序

竊惟聖賢妙處世之權用則行而舍則藏君子大
修德之功智者樂而仁者壽曾聞千古廼見于今
恭惟大憲伯南泉汪老先生風標玉立節標冰清
虎榜高登夙稱瑚璉之器烏臺首擢競誇棟樑之
材明目張膽以立朝鞠躬盡瘁而報國經術以饒
吏治一時爭慕于風流議論常中時艱百辟皆爲
之動色蓋身任法家佛士故衆稱孝子忠臣雖爲
善不欲近名而直道每難容世方擬九遷之寵遽
罹一斥之愆投笏竟歸謝却鸞鳳之侶放舟而去

循夫集

卷之二

十六

咲尋鷗鷺之盟恬淡無爲付世事度外矣優游自
樂真神仙中人哉茲逢甲甫降生之辰正當伯玉
知非之歲急流而能勇退如公幾人寡欲可以延
年自今萬壽鄙情莫旣蕪詞用紀詞曰

杏苑仙郎蘭臺英傑立朝清望堂堂鐵肝玉面白簡
帶飛霜爽夏想聞風采真御史節義文章埋輪處嶽
山搖動當道走豺狼一朝焚諫草掛冠歸去藪震
巖廊指剡溪粟里今古相望勘破浮雲富貴心無累
宜壽而康管教取年年歲歲松栢共蒼右滿庭芳

循夫先生集卷之三

師太史黃泰泉先生選

潮陽郭廷序循夫甫著

後學吳仕訓光卿較閱

姪孫郭守命守宗重梓

郭守毅

叙

賀歐邑侯獎異叙

嘗謂文學可以潤身政事可以及物其致一也而世之士鮮兼焉文之善者或施于政則乖政之長者或發于文則陋是故歐陽永叔文章鉅公也且汲汲於

循夫集

卷之三

三百二

更事之講寇忠愍勳高天下張忠定猶以讀霍光傳最之自予之與歐侯友也觀其學浩然博焉其文淵然深焉其材敏然捷焉雖靡有所施而未必其可與立也予固自得而心許之矣洎辛丑歲歐侯膺選于天曹而潮陽之命下或者廼曰潮陽劇邑也邑劇則難治海邦也瀕海則多奸吾懼歐子之材之弗堪也其為人也簡而伉質而直豪肆而不羈夫簡伉非剽繁之資質直非摘奸之具豪肆不羈者法必弛防禦必疎而人將侮之是邑也吾懼歐子之弗堪也予

曰是不然夫抱湛盧之器者弗遇盤根錯節則不章負驂驅之能者不以之任重道遠則不見以歐子之文之學有其具矣其于政也何有是故簡仇則平易平易近民民斯歸之矣質直則無事無事處事民斯悅之矣豪肆不羈則有容有容德乃大民斯藉之矣於爲政也何有歐子聞之曰介齋子知我者今觀其下車以來申號令飭規畫嚴荷鎗墉防範出無稽程也入無滯積也朞月而潮改觀焉謂非材者能之乎

至于黃冊之役其功成也猶爲七邑先歐侯曰吾不

循夫集

卷之三

一

三百六十五

殖也吾無私也故能爾是故獅山柯大叅公有賢能之譽行旌異之典焉非材而能若是耶吾潮之民歎侯之澤也久以其意欲去也爲之致其畱以其嗣未蕃也爲之勤于禱吾前所謂歸之悅之藉之者皆于是乎在至是求所以祝頌之而濫及于予以予知侯者爾雖然侯之政章矣轂聞洽矣誠于東萊三事之規西山四事之訓篤于行靡變其趨勤于終毅而守之將見 璽書之褒車蓋之賜良史之錄循良之傳端在茲矣豈特上司之獎而已哉是以爲歐侯贈

送鄭竹齋赴羅城叙

吾友竹齋鄭子爲鄉進士積學待試既有載矣見義必爲人以剛稱然不爲赫赫也遇繁必割人以明稱然不爲察察也臨財必讓人以廉稱然不爲噉噉也剛不赫赫故道不得而折也明不察察故人可得而徒也廉不噉噉故名不得而汚也君子曰斯人也樂而行獲展而材國其有利哉茲選于天官天官以爲羅城令夫羅城柳州之斗邑也風陋而人貧訟稀而事簡君子曰嘻是謂貴不得民才不得地貴不得民

循夫集

卷之三

三

之謂荒才不得地之謂曠吾道其非乎僉以爲鄭子屈節子曰不然風旣淳矣吾何以治人旣富矣吾何以施訟叢則滋僞吾欲遽革其非則令阻事煩則政亂吾欲遽裁則怨生是故風之陋也吾教之以禮義陋斯革矣人之貧也吾教之以農桑貧斯裕矣訟稀則無情者少吾諭之于道則易使之無事簡則爲惡者輕吾化之以德則易使之朴蓋善教者貴視俗而施善政者每順時而防君子之至于斯也何使非民乎何居非地乎譬之善御者水曲之逐交衢之舞弓

所不宜若善陳者大敵則大勝小敵則小勝動罔不
成功矣吾竹齋剛矣以剛與利將無不舉明矣以明
照物將無不服應矣以廉臨民將無不信繇是而羽
儀朝著雨露天下特一轉移間耳故曰割鷄之試屠
龍之技也貫蝨之功落鷗之妙也奚其屈君子曰然
是以爲竹齋贈

送陳掌教之任崇義叙

東溪陳子吾潮名士也辛丑歲角藝于澤官宜第弗
第命也迺遽請于銓曹願授教事以往試于大廷居
循夫集

卷之三

四

一等擢教南安之崇義或者疑之曰吾聞君子以遠
到爲期士以小就爲恥是故天厨之出黃雀弗烹而
鎮錡干將之劍匪兕匪虎草之揮也東溪之材誠奇
矣曷難于再試乃遽冷官是甘焉其以進取爲勇者
乎或者則稱之曰頽風浩靡士者之出也孰不欲居
高位躋膺仕者螿塩之味苜蓿之盤其誰堪之慨昔
賢如昌黎猶有啼飢之嘆而坐客無甍鄭廣文不能
無鬱鬱焉東溪乃慨然當之不少顧其以小官爲卑
者乎郭子聞之曰噫二人者之言則辨矣謂之知陳

子則未也夫陳子之仕也非爲身也爲親也以陳子
之材之氣豈碌碌甘爲人下者哉堂有七十之母在
以爲不圖養于今將貽悔于後負米于家不若于祿
于君之爲貴也重裊列鼎出則銜恤其視菽水之足
以爲歡者何如哉是故捧檄色動至于今稱之絕裾
而去雖有大勲勞于晉君子固譏其天性之虧矣此
東溪公所以皇皇也疑者又曰吾聞古之仕者爲人
今之仕者爲己然則東溪之爲親也是爲己也其若
教人何曰子不聞教之義乎夫教也者孝也將以教
循夫集

卷之三

五

晉書

孝焉者也教孝焉者將教之爲人子之道焉也教人
以孝而不能爲子是自誣且誣人也其何以教人故
孝也者適所以爲教也昔父如瞽瞍莫難格也舜乃
夔夔而底豫之而天下之爲父子定君子稱之曰大
孝繼志述事武王所以求世德也王孚成而下土式
焉君子稱之曰達孝然則善教人者謂非善事親者
不可故善事親之爲孝善教人之謂仁吾于東溪之
行聊以仁孝之說贈之

送毛壽卿掌教古田叙

毛子壽卿夙從予游有淑質茂材弱冠薦鄉書予蓋以南宮之秀期之辛丑將大比十春官廼父母爲之齋裝而命之曰吁惟汝齡惟汝徂征其克用懋以克成厥名以榮耀我祖宗予其望汝若時罔攸利爾毋以卑官是羞惟典學是受其以祿養予毋以年少或難毋以曹言或沮樂予心罔違予志惟汝孝予其耄矣爾往哉爾其念哉壽卿拜稽首曰敢不惟尊命是佩旣抵于京鏖戰弗勝乃陳情于大廷試優等俾司厥古田學事乃告予曰惟齡惟貧惟親命是承乃茲循夫集

卷之三

六

畀以古田惟險阻吾何以將父母矧予冲昧罔所知其何以爲人師予夙夜惟怵惕懼弗克茲任以勝惟師其訓之予曰吁汝惟玉臣惟王命是將其孰敢辭艱矧有祿以代耕其曷憚於行爾其往哉惟我祖宗念民爰罔攸叙用簡師儒以譽髦我斯士矧多士亦罔迥不適汝若罔攸訓罔以彰厥功是惟汝咎汝其敬哉罔或怠厥躬亦罔或慢厥官爾其敬敷五典惟用寬勿遽用威惟茲六藝惟遐荒是布越大小罔不習勿俾耽于逸若玉人于璞乃雕乃琢乃作珪璋惟

汝賢若造父于騏驥乃鞭乃策乃過都越國惟汝代
母以地僻惟勤乃罔弗旌母以士寡惟育乃罔弗傑
惟忠惟孝惟自身乃罔不則以蒸慤戒哉壽卿拜
稽首曰旨哉師言齡雖不敏敢不祗服以邁

贈許仲集分教太倉叙

許子仲集以貢選之雋分教太倉之覺宮瀕行則告
予曰誼游門牆藉矣惟師訓是服是佩而自信靡能
一旦師儒之責委焉一不堪也且姑蘇南都之劇郡
太倉姑蘇之雄州人材淵藪是邦寔當之誼眇然尸

循夫集

卷之三

七

教其間二不堪也請問教曷以而可余曰吾 國家
以文取士將二百禩于茲矣其上者調變陰陽次者
章明禮樂又次者經理民物皆文士之英也是故詭
譎者拂經浮華者戾道皆世之蠹裁而正之師儒責
也子其以文教耳曰教止是乎曰六經缺一矣吾

朝以五者設科天下士分門而專之曉然以空言獻
身達則遺之者衆矣俾之咀其芳腴嚼其真液厭飫
其馨香師儒責也子其以經教耳曰教止是乎曰士
之學貴待時而動師之教貴因材而篤昔安定氏之

在蘇湖也設邊防之齋焉水利之齋焉羣諸弟子而肆之卒也以達以施彬彬皆縉紳之選而棟樑榱桷之謠興子其以政教耳曰教止是乎曰君子之用世也非實以文學爲貴政事爲良也貴有德以將之子其明五常以導之趨立四維以作之防俾其相觀以興相摩以成則善人多矣故曰德成而上藝成而下子其以德教耳曰教止是乎曰未也君子之教本諸身則令之不悖先諸家則道之斯行故曰有諸已而後求諸人又曰不出家而成教於國斯教之本也雖

循夫集

卷之三

八

然猶未也舜之命司徒也敬敷五教在寬蓋怠惰則玩而不從急遽則扞而不入是故敬慎以臨之優柔以俟之斯教之道也古先聖王所以率天下而敏厥德者靡不繇茲子其念哉仲集拜稽首曰旨哉師言所以命守誼者至矣敢不奉以周旋鄉進士毛紹齡亦曰大哉師言所以教仲集者盡矣敢請書而贈之

送建昌蔡令赴任叙

蔡次軒郭子同年友也其爲人剛而有執潔而無私蓋棟榦之選也嘗謂郭子曰爲令之道有二難焉事

上官難難于莫我侮馭下吏難難于莫我欺何謂事
上官難入境觀迎入邑觀趨旣去觀所將苟無失焉
則薦揚茲在茲苟無得焉則黜辱茲在茲斯不謂事
上官難乎何謂馭下吏難伺吾之便則恣彼之貪乘
吾之偏則弄彼之奸投吾之怠則逞彼之私出沒鬼
神難知也變幻丹青可畏也斯不謂馭下吏難乎夫
惟事上官難也是故剛斯折矣柔斯廢矣夫惟馭下
吏難也是故寬斯肆矣嚴斯怨矣若之何其爲令之
善也郭子曰何爲其然也事上官誠難然理有定分
循夫集

卷之三

九

三百六十七

吾敬焉而已矣馭下吏誠難然政有定法吾慎焉而
已矣惟敬可以禦侮惟慎可以弭欺子謂令之難也
二子謂令之難也一亦惟撫百姓難耳何則飢者欲
食飽之在子愚者欲明教之在子爭者欲息治之在
子飽之無方民乃瘠矣教之無道民乃離矣治之無
法民乃亂矣縱莫我敢侮亦莫我敢欺烏在其爲良
令誠懼其弗飽也與之哺之人將以我爲慈父懼其
弗明也與之啓之人將以我爲良師懼其弗治也與
之理之人將以我爲神明吾見上官人也下吏亦人

也將敬與服之弗遑又何欺侮之憂哉言未幾而建昌令之命下矣郭子遂往賀之曰次軒敬之哉此唐何易于之舊治也昔易于之令建昌也征茶之詔出自天子易于焚之不少顧而一以愛民爲心撫摩其痼瘵隄防其災患乃歌之曰我有父母何易于昔無襦今有餘而循良傳亟書之若而人也雖天子之令有弗便于民猶梗而弗遵其誰敢欺而侮之是故一難蓋而二難其免矣次軒敬之哉

送廣右李文溪赴洪雅令叙

循夫集

卷之三

十

二百五二

李子令蜀之洪雅或告之曰甚矣令之難也有四叢焉簿書之叢爲目之蠱獄訟之叢爲耳之蠱錢穀之叢爲形之痿將迎之叢爲神之瘵簿書弗理是謂債事事債者廢獄訟弗審是謂殃民民殃者陪錢穀弗治是謂腴財財腴者黜將迎弗衷是謂愆禮禮愆者辱惟是四者非有大精神足以堪其勞鮮有不憊非有大力量足以任其煩鮮有不憊非有大材能足以解其紛鮮有不亂甚矣令之難也李子以告郭子郭子曰吾聞令有四寶而四叢者不與存焉一廉以竇

抑勿之使虧二仁以寶德勿之使戕三正以寶志勿
之使傷四公以寶智勿之使荒何則朝廷之養士也
祿以代其耕爵以崇其身不可謂不至矣自夫士者
之爲妻子謀也於是乃有谿壑自恣而不可厭者而
庶始傷故曰庶以寶節古之君子視民如傷其視天
下愚夫愚婦或能勝予自夫士者齊楚而秦越之也
繇是詢民之休與之衰之詢民之戚與之釋之者寡
矣故曰仁以寶德上下之交有定分焉諂非也瀆非
也自夫士者視名位爲肝膽而不可割繇是脂膏汨
循未集

卷之三

十一

三百六八

沒以求保其光寵而不復自振故曰正以寶志古人
有言公則生明自夫士者沈迷于利欲之交壅蔽于
奸欺之錮也繇是始有頽然而苟安冥然而罔覺者
故曰公以寶智是故寶智以明將無遺照則簿書可
理矣寶志以正將無混施則將迎可喪矣寶德以仁
將無誤聽則訟獄可審矣寶節以廉將無妄取則錢
穀可治矣是謂根本立而天下無難處之事其身正
則道從之雖之天下不可棄也于爲令也何有李子
曰善哉君子之言也不我以頌乃諷而規匪激匪迂

卓與道隨敢不書紳以代常弦

贈周邑博考績致政序

周子梧月閩名士也博學而行莊嘉靖甲午歲以選貢之英掌潮陽教事九載矣茲當給繇赴銓部周子浩然有去志焉諸生曰吾聞易之爲道隨時而已天地之化流行不息乃成歲功君子用世推移揆度乃蹈中庸今夫子學以貢屈業以岸樹蓋有年于此矣雖青矜雲集而聳壑昂霄者濟如然上未能致諸君也下未能澤之民也謂宜式遄其行觀國之光猷謨

循夫集

卷之三

十一

三百四九

是布經綸乃張俾上下芴洽而政教宣揚君子樂其德小人被其康茲蓋鴻漸鵲起之秋也而遽收功于寂斂迹于無于義何居周子曰嘻吾志決矣吾其往矣吾聞君子之進也非干濶也以建功也功成而不去則辱其退也非閉關也以見幾也幾萌而不作則危天道也亦聖教也故曰日月之運一往一來文武之道一張一弛孔顏之德一行一藏吾其往哉且年及矣吾弟郡守君先我十年去憲副君先我一年去吾羞後矣歸而桑梓是依兄弟其怡煙霞泉石相與

棲遯何樂如之而尚以留爲遂請老大司馬兼御史
中丞半洲公嘉其志高其情懇允其請而褒揚之禮
待之門生貢元呂子賓陽朱子南峯思有以壯其行
請予言予曰賢哉周子之爲人也頽風浩靡孤芳其
隕天下士視爵祿不啻若肝肺不可一旦割至于鍾
鳴漏盡猶碌碌罔休者滔滔衆矣山林是思兄弟孔
懷道方行遽以隱爲高方尚壯遂以老爲辭若我周
子者幾何人哉易曰介于石不終日其周子之謂乎
昔張茂先號稱博物位三公中台星拆竟悠游而不
循夫集

卷之三

十三

三百四二

去而李與裊俱君子譏其負所學二蘇兄弟友愛深
也其賦詩也至有來生之期其終老也竟對孤床之
約君子惜其負所志達進退之義全友于之樂若我
周子者幾何人哉是故時用時舍國之經也知進知
退士之貞也能凡能弟家之成也吾于周子可爲天
下則矣豈特庠序之師而已哉呂子朱子曰是可贈
夫子矣遂書以歸諸

贈龔侯入覲叙

惟我 國家設官太守之選厥惟重哉一乃休戚萬

姓慘舒靡不寄之三年入

覲述厥職焉則陳民之

休且舒者與之哀之陳民之慘且戚者與之釋之惟我聖君賢相廼因是而察其賢否某也賢則旌獎恒于斯慶賞恒于斯憲至嚴也然賢每不易于得而與之共理者尤乏其人是故擇之之精謹于先也擢之之崇重于後也凡所以網羅而激勸之者靡不盡其術而莫之或苟郡之要且劇者則當之以科道之賢其次則部屬之英也政之治且理者則任之以卿相之佐其次則藩臬之選也夫科道之官嘗與冢宰考

循天集

卷之三

十四

察天下之郡縣矣一旦而居其位有弗重且慎者乎嘗考察天下之貪與暴者而去之矣有弗廉且仁者乎考察天下之怠與慢者而去之矣有弗恭且勤者乎考察天下之闕茸罷軟者而去之矣而有弗克其職者乎此我國家所以鼓舞天下之士俾之宣力於王家者精而密矣則夫俊又在官兆民賴之良有以也惟我朝之爲郡濱于海民莫愚焉窘于官吏之徵求民莫置焉聖天子有憂之廼疇咨在位詢謀僉同於是以前少東龔侯爲之守焉蓋少東公南道

之賢者也老成者也氣剛而行方學博而材敏性良而守固是故氣剛者大可以禦奸行方者慤可以鎮俗學博者通可以經世材敏者果可以廣業性良者愛可以牧民守固者正可以移風六者備將無往而不利矣其于郡也何有是以下車以來民望其德威罔不震見其德明而罔敢不服圍其德澤而罔不休沾其德教而罔不瘳不啻祥風膏雨之入人深矣則夫監司旌其能而縉紳同聲誦之也固宜公何以得此哉有本故爾茲當入 覲之期將致其寅恭以見

循夫集

卷之三

十五

我 明明后藩臬之任卿相之選其在茲乎采菽之詩曰樂只君子天子葵之誠感也又曰樂只君子天子命之言恩覃也非我矣其誰當之屬官蓬州所吏目陳焯等請愚言以耀公行愚不佞敢採輿言又文以歸諸

賀郡伯傳築野榮壽叙

惟 聖天子圖任治理軫念民瘼刺史之選慎厥惟慎焉是故咨訪惟濔揀選惟精匪賢匪能弗輕與也乃嘉靖甲辰歲適當朝 覲之期天下之守遷權者

半而諸多虛位矣。繇是登崇俊良而美之。若廣信府
蓋江右之劇郡也。天曹以桀野翁首荐剡。帝曰可
哉。信州之民聞公之守其郡也。歡欣鼓舞。感快于速
覩先聲之感。不約而心醉。宿行之孚。不戒而誠服矣。
惟公自下車以來。霈恩而率軌。赫廢而釐弊。旌淑而
辨慝。數月而政成。六邑之人士父母而戴公者。咸欲
頌公之休于無極矣。惟茲徐月甲寅吉辰。適公之華
誕也。于是相與謀所以祝壽者。僉曰古者祝壽必以
山。謂山靜而壽耳。吾信有靈山焉。蓋三十三福地也。
循夫集

卷之三

十六

二百六

而葛僊翁之飛昇寔在茲矣。山曰靈地曰福而寓之
人曰仙。是不可以祝公乎。于是饒玉之人歌曰靈山
奕奕旣夷。旣闢靡榛。靡棘長道。是迺維君侯之力。宜
眉壽斯億。鉛永之人歌曰靈山崇崇。有田且豐。禾稷
芄芄。甘露其濛。維君侯之功。宜眉壽無窮。弋貴之人
歌曰靈山之岐。市井依依。犬不吠兮。馬不馳。維君侯
之庇。宜壽考。維祺貴。溪令郭某聞其歌。則從而和其
聲曰公之惠其感於民深矣。饒玉之歌聲有教也。鉛
永之歌安有養也。弋貴之歌慶有生也。信公之惠入

人深矣吾于是知道以率民之易不必以威知民以誠感之速不可以強雖然公以愷悌之德清明之政藉甚之名行將入相廟堂雨露天下當有獻瑤池之觴貢蟠桃之實進南極之耇者而聲歌且遍于四方矣六邑之人豈能擅公之澤而獨頌之哉某不佞忝公之屬吏薰德承教匪伊朝夕而無以効其忱也謹採輿輪而潤色之云

賀劉業叟恩授壽官叙

在昔聖人之立教也有達尊三齒其一焉寵之俾榮循夫集

卷之三

十七

三百四六

以教孝也讓之俾先以教弟也是故教以孝而人知有父教以弟而人知有兄父子兄弟之道得而國治歷代之隆靡不繇茲惟我

聖朝之興厥典彌崇

皇上嗣統以來優老之詔屢頒矣茲命有司惟其壽亦惟其德匪是弗與無爾濫也乃吾潮之人覈諸鄉而鳴諸郡者峻且恪焉卒以業叟劉公顯曰是德與福兼者其爲人也在家弗忘勤處鄉里弗忘睦傳子弗忘善勤以敦業德之基也睦以遠戾壽之原也善以裕後慶之鍾也稱明詔矣弗薦謂何有司曰未也

詢諸縉紳曰確詢諸庠序曰諒冠服之命迺來榮乎
哉已而卿士大夫咸徂慶之首歌采菽之三章曰樂
只君子天子命之昭王度也再歌蓼蕭之二章曰其
德不爽壽考不怠明壽本也卒歌南山之亂曰樂只
君子保艾爾後則祈永庸焉公起而謝曰善哉願席
諸君之餘慶矣然耄焉而受寵榮其若 聖天子之
德何乃子郡庠生某再拜稽首而對曰茲某職也敢
不惕進修以告報稱于是咸讚之曰賢哉是知事父
與事君矣孰謂如劉公不冝是子也哉

循夫集

卷之三

十八

贈醫者

世之爲術多端矣操天下生殺之柄莫過于醫以匹
夫而操生殺之柄庸可苟耶脈理欲其精也藥性欲
其明也古方欲其熟而博變而通也脉理弗精無以
佐病之源藥性弗明無以隄病之流古方弗熟且博
而能變以通無以深除病之術故曰不可苟也矧以
匹夫操生殺之柄則是天下爲術者莫仁于醫莫不
仁于醫病者在床父母親戚故舊環而守之惻然憐
之莫之起以救也醫者旣非葭莩之親又非疇昔之

雅李然來眠投一劑焉病者垂愈而化者復蘇不亦仁乎然揆厥心或以遇疾自喜術靡精且將至于殺人則不仁也亦甚矣雖然此庸醫也若某者學盧扁之技入其室蓋三折肱而得神者豈其人耶吾聞其視人之病弗自伐其能且不喜言其姓名病者瘳則憚然曰足矣不邀利也是仁心普而弗仁之機退以伏豈世之學醫者易易及哉吾聞之醫有二上醫醫國其次醫人君仁于醫人矣歸而訓子若孫盍以醫國乎

循天集

卷之三

十九

贈柳揮使禦海有功序

吾廣古粵地也瀕于海夷乃盤焉動靡常踪無能甲而兵之惟御史中丞省吾林公攬轡戾止乃疇咨藩臬諸公奠其人以濟慮至述也諸公僉曰其指揮柳某哉其爲人也毅而潛寬而肅機警而能斷毅而潛可以謀事罔弗孚寬而肅可以撫衆罔弗服機警而能斷可以禦姦罔弗穰矧東路又其立功所也有司識之舊矣而能俾成李無征人至于今思之若其用之靡弗勝矣中丞公曰其可哉適公有事蒼梧遂賓

而遣之曰國家之養武臣也匪惟爾祖之勲勩是徵
柳亦俾爾子若孫戮力四方以匡我 王國惟爾廣
海捍之任厥惟艱哉茲命汝往汝其慎諸毋玩寇毋
縱姦毋艾良善惟洪伐是建以庶幾爾前人休烈公
拜稽首曰敬聞命矣所不如教非臣也兼程而卽之
至則防守惟虔罔敢或懈其有梗者執以獻厥馘可
稽也中丞公乃告諸公曰懋哉柳某之功其足以旌
乎旌弗旌樹庸者縮矣于是儀綵以章之禮教以揚
之公乃弗白以爲功而歸諸軍士曰予何敢偷百戶
循天集

卷之三

廿

李君子實以告于予予乃颺言曰柳公于是弗凡矣
勇以奏功善補官也讓而推下能不伐也善補官忠
也能弗伐智也忠與智誰能企之易曰勞謙君子有
終吉書曰汝惟不伐天下莫與汝爭功公之謂矣李
君揖而起曰確哉請書以付良史

同志錄序

嘉靖九載歲在攝提子還自燕深惟寡陋業罔克成
因與一二同志刮垢而新淬鈍而利曰庶幾其有將
乎已而執經者衆辭弗獲則羣而友之樞衣而趨凡

若干士其爲人也有廓而深者溫而雅者疏通而達
若果敢而發者豪肆而不羈者予廼嘆曰美哉英乎
不可觀矣無本弗立旣觀其爲文則洋洋如也纒纒
如也其才贍其氣邁其思深其議論確確則又嘆曰
美哉英乎文可觀矣無文弗行本以基之金玉相也
文以飭之追琢章也繇是而之道弗遠矣是故裁其
過稅其不及樹之中導而就之施無或悖懼其驚也
開無或隱憂其蔽也強無或縱防其懈也施之弗悖
則入開之弗隱則通強之弗縱則成繇是靡不駁駁

循夫集

卷之三

十一

三百六

然登汲汲然升矣雖然未也吾聞之學有三養四辟
者恒恬之行有三善六妨者恒撓之何謂三養堅以
養志靜以養神一以養心然辟盈者荒辟豫者忘辟
怨者無功辟畏者不長茲謂四辟有一於是則學斯
墮何謂三善善處而家而家雍雍善睦而黨而黨形
形善交而友而始而終然饗或妨廉妓或妨貞媚或
妨讓倨或妨恭尅或妨齷訐或妨樸有一于斯則行
乃虧是故三養全而四辟去君子之學至矣三善完
而六妨去君子之行至矣行之至者厥本彌敦學之

至者厥文彌達屯無終否無遂其逢固矣云同志者
同茲焉爾茲弗同曷同吾於諸君望焉

贈姪世偉還南陽序

世偉名儲吾姪也幼聰慧能文有奇氣厥祖吾伯父
也敦愛之乃勤師以教罔俾于逸俾遂成于玉惟時
區攸利贖于鄉竟終厥祖身厥祖將亡戒之曰嗚呼
儲吾其逝矣子心靡遺憾惟爾弗克成厥名是羞汝
其念哉毋耽樂毋怠荒毋便辟是昵惟賢達是師嗚
呼毋墜我之永終命我惟亡其永有休光汝其念哉

德夫集

卷之三

廿二

三百五十一

儲則奉以周旋罔敢或懈旣乃告于予曰惟儲弗類
罔克若先志其何以免厥愆予聞悲之廼勗而誨之
敷古人善期與之勸摘其背期與之懲乃退省厥私
則學用丕變德罔不修如予言予廼嘉其志曰都庶
幾無忝爾祖哉及是將歸請終教則申訓之曰來汝
儲惟志欲堅學欲一志堅則可久學一則可大惟農
于田是耘是耔罔遺力其廼有獲若行者于道罔或
休踵前人迹乃無遠弗達汝其念哉罔或畏罔或棄
若時荒厥功惟爾大弗克顯祖將罔利于汝躬矧曰

榮我宗鳴呼念哉儲曰破聞命矣所不惟祖命是思
惟叔父言是佩非夫也其曷有顏于世

槐編前叙

槐編者何吾師太史公恭泉先生作也先生嘗謂儒
者之道貴達古今弗傳諸古其病謗弗通諸今其病
疎然博古匪艱有經史在通今寔艱東觀之秘罕獲
親也是編所繇作焉是故肇自洪武迄於正德嘉靖
積之厥歲凡幾厥卷五十巨靡不乘細靡不蒐紀

君德以揚休也紀臣功以辨賢也紀國政以著實也

循夫集

卷之三

十三

三百四十七

紀天地之災祥以昭警也紀閭閻之歌謠以盡變也
其義博其文辭詳而有徵確而則正而弗阿吁其至
乎修史者可以觀裨闕亡矣爲學者可以識達時務
矣董政者可以與藉敷施矣是編也豈子墨客鄉之
閑談可企哉雖然編成矣以槐名者何蓋長樂府君
先生祖也曾手植雙槐曰擬王氏則予豈敢惟子若
孫能增其一吾庶幾望之先生幼而學也于中是居
是編成焉因以名也某讀是書有以見君子之道三
焉念爾祖也能自殖也善垂後也惟念爾祖故出言

弗忘惟能自殖故爲學弗厭惟善垂後故述作弗倦
出言弗忘可不謂孝乎爲學弗厭可不謂勇乎述作
弗倦可不謂仁乎孝以事先勇以任道仁以淑人君
子之能事畢矣然則是編也豈子墨客卿之閑談可
企哉先生旣取以示某矣仍命簡諸首某弗佞竊謂
先生天下士也書罔弗讀而理罔弗探是編特緒餘
耳匪其至也且寓君子之道三焉矧其大者乎謹稽
首百拜而書之

賀柳揮使元中榮膺獎勵序

循夫集

卷之三

十四

三

柳子元中世勲之胄也少儻不羣其育于庠也燦
燦爾其處于家也肅肅爾其蒞于事也抗抗爾夫燦
衆咸稱之曰是能敬紹先德者旣襲祖爵果以名聞
藩叅徐公是以有蓬州之命曰政事艱哉其宣乃力
勤乃職毋怠柳子唯唯于是招遺亡徵逋負厥有成
績臬僉吳公是以有梧州之命曰兵事難哉罔作虐
罔作饕用康乂民乃濟柳子唯唯於是澤痼瘵同甘
苦士罔弗悅惟都御史陶公是以有潯州之命曰邊

事艱哉毋玩寇毋邀功邀功有恒罰玩寇惟而弗武
柳子唯唯于是靜以安之格以守之邊乃寧焉惟御
史中丞錢公以激揚爲任聞其名乃嘆曰嗟哉武臣
之喬也沉于逸鮮克閑于職罔或念厥祖勲矧曰其
能用相我國家其有恭乃位優乃下靖乃邊隣者惟
指揮僉事柳文萃其人乎國有彝典匪庸弗颺臣有
洪烈匪旌弗勸乃屬郡縣以幣以綵用顯其光郭子
聞之曰嘻吾知柳子之往有成也其材果故其政修
其行肅故其惠溥其智縛故其勲懋吾蓋于家于事
循夫集

卷之三

廿五

卜之矣雖然未也政以才修以善用爲貴惠以行溥
以威克爲全勲以智懋以弗矜爲美敦之以實德終
之以無倦吾見臺旌之屢朝斯旌之矣朝旌之屢史
斯旌之矣允若茲其奚忝于前聞人時適謝子世臣
來徵言以賀遂書以歸諸

代送澹泉還貴山序

澹泉洪君吾友也肇自貴山來從某先生遊先生觀
其容曰雅而溫君子人也旣聽其議論曰簡而精其
識遠矣次觀其文曰典而贍可與言矣次觀其學曰

博而正知方乎哉。又次觀其行曰：謹而愿，近于道矣。乃謂羣從茲益友也。凡有疑者質母，恃其乃有助。麗母溢其乃有獲，予遂得而朋之。相授以志而相摩以善，脫然若疾，疾在躬，獲良藥以喜也。超然若墜于深淵，或引繩而上之，乃信先生之言弗阿。意澹泉其賢矣乎。茲賦歸矣，索教言以贈。予曰：吾何以贈子哉。吾聞之師，惟學無足，惟道無獨。函丈之論淵矣，其是勸是佩，以無忘。彼誨學乃有濟天下之溺矣矣。其動惟厥時以近。天子光則道乃章，予何以贈子哉。乃賦循夫集

卷之三

廿

小宛之詩曰：我日斯邁，而月斯征。昭友道也。君賦隰桑之什曰：中心藏之，何日忘之。謝教言也。予賦燕燕以奉酌，君遂登車。

代送潘栢軒序

潘子栢，軒，榴州人也。學于某先生，先生賢之，私謂子曰：斯友其良友矣乎。吾觀其氣融融然，其學卓卓然，其性豁豁然，可與言矣。則誨之以文曰：茲藝士也，然士所執以見君弗達者，弗達也。栢軒退而弗懌曰：吾其文士也乎哉。異哉先生之教我矣。予聞解之曰：吁。

是何言也先生其以有用之學待君乎吾聞辭者道
之華也言者德之表也辭弗修則道弗光言弗文則
德弗彰是故夫人之學也有朴而弗章者有華而弗
真者朴而弗章者曰野華而弗真者曰巧君子無是
也体用備矣源深者流遐本固則末茂其言也昌王
化斯揚其詞也則皇猷乃飾匪是其濟者末也今夫
玉之在山璞焉耳遇良工焉雕之琢之鏤之刻之則
珪璋瑚璉惟所用罔弗宜若乃弓人爲弓獲良幹矣
而弗治之以角以筋以膠以漆以絲吾未見可用也
循夫集

卷之三

廿七

先生謂子實已豫故欲飭以文其以有用之學待君
乎潘子乃悟曰誠如君言匪是幾疑先生教吾今乃
知先生之作人如良工之造器乎因材而篤弗悖而
拂子其爲我書之宜寔之座右

送謝木軒先生分教龍溪叙

古之教者有二一曰師以賢得民二曰儒以道得民
夫師以賢稱以德之克明也儒以道稱以性之克盡
也德明而後軌範立性盡而後效法章教是以敷民
是以得賢材之衆治化之隆靡不繇之茲世降而卑

吾滋惑焉士以習陋文以風靡良可悲夫士習之陋
功利驅之也以德之弗脩耳文風之靡詭怪惑之也
以性之弗繇耳德之弗脩師不模也性之弗繇儒不
範也嗟夫囊帛匱金攘臂以赴朱門要路繇實以趨
清談妙理誣人以虛士習誰與正乎繁風捕影變幻
莫持牛鬼蛇龍幽渺難知絕崖孤峯詭異爭奇文風
誰與正乎惟我 聖明在上思有以一主心而同文
體詔屢下矣廼復精簡師儒科貢之英無預選焉吾
友木軒謝子蚤游黌宮蜚聲籍甚識者咸以賓與之

循天集

卷之三

六

雋望之碩乃屢屈於有司而貢于王廷俾分教于龍
溪君子罔不惜其才之豐而用之啻也瀕行諸友索
言以贈郭子廼颺言曰夫教之爲道大矣士習無陋
以德而振之則興文風無靡以道而倡之則明矧龍
溪晦庵先生發祥之所也風化之行亦旣舊矣子之
往也欲瘦士習而返之博起文風而還之純特轉移
節耳是故塵精無厭吾其激之伊優無恥吾其勵之
詭譎無真吾其距之則士習端矣浮浪不根吾其斲
之險巇不平吾其正之雕琢不朴吾其辟之則文風

振矣雖然德弗崇則士靡所宗道弗尊則士靡所從
君其有諸已矣實諸內矣雖措之天下國家可也于
龍溪乎何有謝子曰有是哉吾將陟雪山之巔而望
雲谷之塵以正厥身以淑諸人以無愧師儒之任

送許翠峯司訓壽州叙

教化天下之大務也司教天下之大責也教而成厥
功天下之大慶也吾嘗謂古聖人有功德於人者三
而教獨至焉其恩及民者同其澤及子孫者同其傳
世彌遠其流風餘韻彌深而不可解者則不可得而

循夫集

卷之三

廿九

同也是故堯之時洪水滔天禹殛平水土而庶民以
居處民無食則飢糴播殖百穀而民人以衣食逸居
而無教則亂乃生弊和合五典而民人以輯睦是謂
其恩及民同也旣而禹以夏興稷以周興弊以商興
子孫皆燁燁以顯是謂其澤及子孫同也吾獨慨夫
禹之後僅有啓不敷傳而羿篡其位雖賢有若禹氏
忠有若伯靡協力而少康以興不過一旅之衆耳至
於斥阬之師一動而東征西怨南征北怨者大抵皆
夏之赤子也是其心豈復有一毫戀其君哉文武而

下僅有成康宣王雖賢終亦不克東遷之難僅見黍
離之詩而瞻烏爰止于誰之屋其臣離矣適彼樂郊
爰得我所其民離矣先儒謂非秦能亡周蓋謂此也
若夫商則不然賢聖之君六七繼作既皆祈天永命
之主矣而微子箕子比干之徒又能自靖其身以見
先王於地下不敢有毫髮苟且之心伯夷叔齊以孑
然二子敢抗孟津之師而不懼諫而不聽則去之至
於大誥康誥多士多方諸篇依依於舊君者三十載
武王周公聖人也禦之不能刑之不可但忠厚以待

循夫集

卷之三

卅

之和易以親之優柔以勸諭之解釋之曰商王士曰
殷遺多士若不敢以周之臣民例視焉夏周之季吾
未見其懇切眷戀有若此者是孰驅之使然哉謂非
玄王教化之功不可是其傳世彌遠其流風餘韻彌
深者不可得而同也吾故曰古聖人有功德於民者
三而教獨至焉然則教化之於天下誠重矣責誠艱
矣慶誠遠矣慨洎叔季迺以學職爲卑官冗位與者
不之重受者亦不復自重師道蓋蒸蒸靡矣而望其
教化立而善人多胡可得耶我國家崇儒右文寔

重師儒之選是故敎有成績學乃有效雍熙之化洋洋如也吾友翠峰許子蚤遵庭訓茂播蜚聲識者蓋以龍躍天衢鳳翔雲漢期之茲乃貢於春官選於天曹俾司訓于壽州誠以敎之權重師之道尊非老成不可翠峰敬哉以崇經術以振士風在斯舉也蘇湖芳躅河汾遺敎吾茲其有望矣他日桃李成陰其澤遠蘭玉盈階其慶長固於是肇之

贈張希元爲縣從事叙

張君希德吾友也以士遊于庠廼弟希元以吏役于循夫集

卷之三

卅一

邑或者疑之曰伯爲士仲爲吏同所出廼異所趨何居君子曰不然惟我 國家用人士仕也吏亦仕也其用一焉是故士業諸經以明于道也吏業諸律以明于法也道弗明則敎弗尊法弗明則刑不中刑以弼敎更以弼士其用一也奚伯仲之疑希元旣承後諸友咸往賀之郭子廼稱觴而告之曰君知爲吏之道乎非爲吏之難能事人爲難也非事人之難能治身爲難也事人貴克慎治身貴克正是故簿書山積宜展而力委任蠅興宜攄而誠咨訪日叢宜秉而公

力屐則法不敝誠攄則上不疑公秉則人不非法不
敝則事可得而理也上不疑則志可得而施也人不
非則刑可得而置也夫是之謂善事人爾毋或徂于
術毋或巧于機毋或匿于私徂于術則習惠文以爲
智巧于機則文具錦以爲賢匿于私則事乾浚以爲
功惠文爲智是曰民厲貝錦爲賢是曰國殃乾浚爲
功是曰蠹宗是故惟樸惟醇塞禰之門知辱知恥受
福之始夫是之謂善治身善治身則道迺亨善事人
則吏迺成能成乎吏斯無愧乎士無愧乎士斯無愧

循夫集

卷之三

卅二

三百四十

于兄矣于是受之以一觴曰是謹之觴也旣而曰皎
皎者素惟終則汚稜稜者角惟久則缺乃受之以再
觴曰是慎終之觴也君其戒哉希元受教迺兄希德
遂執觴而謝曰至哉君之教吾弟也有君子之道焉
教以治身仁也教以事人忠也又教之以光兄義也
旨嚴而正詞確而文不阿不激至德斯存敢不聃勉
惟子之云

代贈蔡醫士還閩叙

醫仁術也可以事親可以治人可以養身君子不厭

學之事親而不知醫其比弗孝治人而不知醫其比弗慈養身而不知醫其比弗智故曰醫仁術也君子不厭學之然而醫者理也不通于理不可與言醫醫者意也不達于意不可以言醫何則臟腑之伏也血氣之留也空竅之塞也關鬲之礙也有未然焉有將然焉吾意其所未然有可防之理也而防之預則病不生意其所將然有可治之理也而治之早則病易平故曰醫者理也又曰醫者意也岐黃邈矣盧扁邈矣吾獨怪世之學醫者得術而失仁求迹而失理傳循夫集

卷之三

廿二

二百四

方而失意視病調劑貧富異視勿藥未報貨利是邀柳子所謂不得直則怫然怒再則仇而罵者豈少哉聞有醫士蔡某學岐黃盧扁之術而不以術名藏身于賈匿名于旅鮮有知其能者有疾病瘡瘍偶問及之輒與善藥口不言功其治小兒痘疹尤卓卓可驚可辨色于微存亡逆探極潰于否竒效速收獲報于終輕重弗較其舉動類有道者君子是以爲醫之良也茲言歸矣予旣嘉其賢而又感其于吾子有同生起死之功故將之以酒肴而重之以文辭

祈雨告城隍文

惟神執陰權吏司陽職故均賦後以一貧富正刑罰以戢奸回俾善有所恃惡有所畏而天不作怒神罔時恫者吏之能也調風雨以澤禾稼蠲凶札以省蒸餽俾老有所終幼有所養而吏得無憂民罔作慝者神之惠也故我 聖朝神則有明祀之典吏則有制錄之法凡所以示報也然則神之與吏固相須以爲功吏之不職神當殛之而神之靡靈吏亦不得不爲民而歸咎矣惟貴溪一邑去歲遭荒民病未蘇乃今年春夏之交雨暘時若百穀庶幾其有秋吾民皆以

齊夫集

卷之三

廿四

三五五

爲神之力也而祝頌之而感戴之矣乃自五月之末以至于今驕陽爲暴泉源告涸黍苗荐枯蔬菜亦槁歲且不登民將無食于是農夫相與祈于野商賈相與祈于市官吏師生相與帥其羣民而奔走呼號于通都大衢之中猶未應也則又請道家者流立壇修齋祝水焚符以求之意其可以回天之怒而獲神之佑矣夫何心之所期則靈雨其零目之所覩則明星有爛旱魃益張商羊不舞豈非某等不才不職貪墨

罔利以肥妻子與酷虐自肆以殘善良歟苛賦滋重而寃獄叠興抑祀典有弗脩民怨有弗恤與夫有是數者皆某等之罪也吾民何咎之有夫怒吏之不職則宜以禍及其躬以爲不能子民者之戒顧乃薄譴于吏而移譴于民神亦何忍而爲之不然豈有狡猾之胥吏未除其奸刁潑之民未殄其惡而勢豪之縱橫爲暴者未盡誅而貪淫之敗害風化者未盡絕以致犯神之怒神將罰而懲之乎夫若是者不過一二人之罪耳未必一邑之人皆然也夫怒一人而罰及衆庶神又何忍而爲之夫民之所賴者神民今有災而不救有求而不應神亦失所爲神之職矣然則民將何所恃而神亦何所取信于民耶吾今敬與神期若官吏有罪則三日之內示之以顯罰兆庶無罪則三日之內賜之以甘雨惟神聰明不爽不貳某等尚竭敬誠仰答靈貺謹告

諭諸生文

予學古有年于茲病罔攸獲惟二三子弗棄辱執經而與之游予惟惕惕然懼罔克堪以爲二三子羞是

故嚴以繩已簡以御事而勉以俟求繩已之嚴以崇
功也御事之簡以寧慮也俟求之勉以育材也雖寢
食弗違曰庶幾其母荒茲托乎而二三者蓋亦虛
乃心毋恃乃見朝夕講摩以求其有成名吾聞之解
惑者師自成者我惟怠惟荒學乃弗長惟勤惟篤乃
懋厥績諸生戒哉抑其中有童心罔灰康好逸豫者
吾甚矜之甚詢之夫學尚變乎氣質而功罔墮于麓
疎故賢者用是以兢兢而不肖者反之吁去而不可
留者歲也老而不可少者身也是故踰時而習齟齬
循夫集

卷之三

廿六

二百四

弗入既老而悲噬臍曷爲諸生戒哉惟師與弟恩義
則兼惟賢弗獎是悶爾之善惟懈弗威是導爾于非
用立規矩亦懸夏楚繼自今尚各勤乃事檢乃躬毋
自作弗靖以煩予罰記曰善學者師逸而功倍又從
而庸之不善學者師勞而功半又從而怨之石論也
盍慎諸吁學之成以楊爾名業之崇以榮爾宗予不
敏其亦與耀二三者勉旃

南歸自贈文

介齋子學古三十年于茲矣其幼也若樸其長也若

篤其爲學也若不足是故一試于邑庠而升焉再試于學教而旌焉三再于鄉禮而賓焉若是乎其易也旣而貢于京覈于春官丙戌一黜人始驚之己丑再黜人始疑之壬辰又黜焉人遂議之若是乎其難也于是惶惶然懼恤恤然憂曰豈其天與怏怏然望愀愀然怒曰豈其人與旣乃仰而作俛而思曰抑非天非人耶惑而問諸學乾子學乾子曰子知昔之所以易乎乃今之所以難也無易于昔則無難于今矣于天人乎奚尤且吾聞之地有遠邇材有寡衆一鄉之

循夫集

卷之三

卅七

二百六

士不如一國一國之士不如天下其勢然也是故行江之舟以之渡海則覆割鷄之刀以之屠牛則缺今夫萃天下之俊羣而試之于南宮也厥品有五有淵源之學焉有強博之記焉有雄邁之材焉有宏遠之猷焉有忠誠之悃焉淵源者其言粹于明道宜欲明道者取之強博者其言富于備問宜欲備問者取之雄邁者其言辨于專對宜欲專對者取之宏遠者其言備于經國宜欲經國者取之忠誠者其言正于事君宜欲事君者取之舍是風斯下矣爾乃幸得于天

多其難忽所脩于已而盈其虛以學則疎以記則
一有則枯以謀則迂以心則愚其何與天下士角
二一黜也固宜而乃怨天是不知命也而乃尤人是
三知學也夫當得不得謂之命不當得而得謂之倖
當得而得不當得而得謂之正吾惟順受而已吾惟
自脩而已焉知今日之難不爲後日之易乎故曰無
冥冥之志者無昭昭之明無惛惛之事者無赫赫之
功子其識之介齋子曰敬聞命矣請問自脩之道何
居學乾子曰善哉問也夫仕無遲速在致其學焉爾
循夫集

卷之三

世

學無難易在詣其道焉爾道無精粗在盡其心焉爾
心無內外在盡其性焉爾性無賢愚在復其初焉爾
初復則性定性定則心一心一則道幾道幾則學成
繇是發而爲言有德之言也著而爲文載道之文也
是謂合一之學是謂寡二之士雖欲勿用苟求者趨
矣故曰慎脩所志守爾天符委命共已味道之腹神
之聽之名其舍諸介齋子曰有是哉聞子之言若沈
痼而忽獲神劑也敢不奉爲周旋

祭 誥封太子太保尚書學士象峯夏公文

惟公間世之英出羣之龍早掇巍科遂躋要地以清
廟之琴瑟爲蒼生之霖雨善政協于口碑雅志不爲
家計茂譽四馳音勲用著朝旭方升乘雲忽逝爲時
共惜何遽奪公之年惟天有知克生胤子之賢澧兮
挺耀嶽兮降祥爲文苑之著龜朝中冠冕爲朝陽之
鳴鳳海內孤鶩爲萬世之長城聲色不動而貽天下
以安靜之福爲擎天之八柱終始如一而置天下以
安靜之天是皆盛德之未及敷施而義方之密以相
傳者也不有是父焉有是子 帝聞曰都宜以風世
循夫集

卷之三

七

載渙天章茂錫嘉祉于爵于官父榮父貴八座同升
三臺並峙黃焚墟墓光動閭里是雖仁人孝子之所
共願而往來古今之未見其一二也某辱在甄陶之
末載瞻佑啓之功豈勝嘉歎欲涕無從有肉在俎有
酒盈鍾聊申奠敬靈兮來崇

祭玉山汪大尹

嗚呼惟靈廊廟之材瑚璉之器德足以爲一世之英
材足以當百里之寄霖雨舟楫當無施而不可騏驎
駢驅宜凌風而遠至云何陽春未布玉樹先傾民無

慰其望士無以仰其成天道靡測有識同悲靈輻遙
駕遠路多岐風雲慘淡烏鳥哀啼某等忝爲僚友無
任傷情有牲在俎有酒在罍靈其有知尚格其誠嗚
呼哀哉

祭運同徐卜塘文

嗚呼五福在天人不可求獨鍾于公邈焉寡儔出入
司府貴富兼優年幾耳順享壽優游曰茲康寧駢驩
輻輳曰茲好德多識以蓄正寢以終太虛還復曰茲
考終九原無惡矧先大夫厥有芳躅載獲良配紫樞
循文集 卷之三 四十

祭葉南巖邦伯

惟公應昌期之運乘間氣以生立心醇厚賦德忠清
蚤看花于杏苑繼剖竹于山城臺章交荐殿柱題名
乃擢曹司之貴乃遷牧守之榮來晚之歌當時流傳
于道路去思之頌至今膾炙于簪纓公也每嘆羊腸

之險來尋鷗社之盟觀浮雲兮卷舒笑棋局之輸贏
惟一經以庭訓有二子之齊興一龍躍于天衢允稱
朝中之傑一豹隱于場屋行魁天下之英云何戲綵
之歡方劇莫楹之夢忽萌哲人其往世道堪驚某等
義忝年弊職備鄰封曾得躋公之堂祝公之壽而侍
教以從容今其永別涕豈無從嗚呼有山蒼蒼有水
溶溶英靈如在哀慕何窮敬陳絮酒尚監予衷嗚呼
哀哉

祭憲副江斗峯

循夫集

卷之三

四一

惟公之生卿雲瑞露惟公之學玄酒太羹惟公之德
渾金璞玉惟公之才利刃雄兵憲凜霜臺之豸威

道海上之鯨斯民仰仁賢之宏濟吾道丐君子之光
明宜軒騰于朝著而爲國之柱石宜雍容于廊廟而
爲世之保衡云何萋非成于貝錦圭璧玷于蒼蠅而
公也樂天知命拂衣長嘯亦浩然而以去爲榮也然
而賢胤步武德業相成文章節義天下典刑亦孰非
公之教以其所未及施者而以推于後之人耶奈何
災生木稼夢起龍辰未上其壽遽還其真此賢愚貴

賤所以驚悲而哀悼。捐心而涕零也。某昔爲子賢幸沾芳潤。今官貴邑。又竊餘馨。茲當柳車之駕。忍聞礎露之聲。山川慘其失色。風雨淒其悲鳴。蓋善人之亡。日遠天地亦爲之震驚也。敬陳祭酒。傾仰英靈。洋洋如在。監此微誠。嗚呼哀哉。

祭吳中里年兄乃尊

嗚呼公之面不得而見矣。公之道猶耿耿其昭晰。氣稟星虹。靈鍾海嶽。藹矣其柔嘉敏焉。而好學常編。鏡硯不足以言其勤。辭簡蟲書不足以言其博。孤峯絕

循夫集

卷之三

四二

崖不足以言其文。思之竒大。第高門不足以言其議。論之卓參。彼時髦奚所弗若。可以冠曲江之書。可以題慈恩之塔。可以直承明之庭。可以置天祿之閣。胡片弗爲。吳下之桐。竟老荆南之璞。康莊未躋。濛汜忽歌。豈非物忌孤芳。人誦賢哲。歟。抑亦與世寡諧。逢時之缺歟。嗚呼。蓄之厚而鬱弗施者。后必昌。藏之久而含弗吐者。子必良。吾嘗徵諸眉山之蘇。太原之王。至今談者以爲光。繁惟夫子篤生賢嗣。罷則瑚璉馬。則騏驥庭訓。克遵家教。彌著一壺龍門。遂登鵬路。鳳

章鸞誥指日可至公胡不須乘雲仙去悠悠旻天殲
我徽懿某等名忝年弊義同子行無繇掛劍敬此陳
觴靈其有耀如見屋梁嗚呼哀哉

榮壽潛菴楊公墓誌銘

嗚呼世固有累代潛光而後竒偉之士出竒偉之士
出復落落難合而後文章之士顯著唐宋多矣乃今
則潛菴楊公其人也公會祖諱存寧祖諱守胤考諱
秉榮三世皆不仕至公將仕矣而又寡于偶雖鬱積
磅礴者將以大發于其子而其竒偉之跡則藉藉焉

循夫集

卷之三

四三

君子曰嗟夫世方競名效利何啻鳶鳴公早名邑庠
試弗售輒棄去儒衣侍養潛菴自居家道蕭然優游
自樂其曠達有如此者世方勦同異說露牙眩竒公
講明經義朱旨是宗侍御鄭公亟稱之從游之士黃
旭以是爲名家陳宗虞以是取高第其醇正有如此
者世方與俗浮沉罔能自立公以禮自持雖老弗倦
對賓飲醉而貌益恭臨終而神色不亂且欲以抑畏
自號平居戒其子必以勤王體民爲先以苛刑殖貨
爲戒其忠敬有如此者世方怯疆侮弱首鼠自容公

建明鄉約善惡必紀不貧富殊懸非人則鄉飲不
屑先塋見侵則理訟必復其直方有如此者世方瘠
人肥已物我殊途公遇人患難力爲區處有丐輒施
雖蟻弗踐其慈祥有如此者嗚呼有此奇偉之行其
受天恩以冠帶光榮而享年七十六壽固宜惜也厥
孤以銓試第一人授衢州府同知方迎養而公沒矣
公諱瑄字良瑜世居桃山之洋淇里以成化丙辰九
月二十七日酉時生以嘉靖辛丑十二月十二日未
時終配陳氏賢淑人也先公八年卒至是合葬于青
循未集

卷之三

四四

三百三十三

麻山上坑之原云子男二長日贊卽衢州公次嚴繼
公後卒女五林世芳陳曰朗江鰲林世臣孫一果其
婿也孫男一曰見禮孫女八銘曰

青脉之岡

厥勢昂昂

偉人是藏

鳳諧輝煌

有日褒揚

泉壤其光

勿云壽長

勿嘆福慳

天定則昌

將仕佐郎毅齋王公墓誌銘

嗚呼鬱鬱葱葱者登瀛之山也隱隱隆隆者三家之
麓也辭榮還真而穴于其中者毅齋王公也王公之

亡五載矣厥孤曷命龜卜地于茲食再卜安葬之期
以臚月念一日又食昂泣拜首曰庶幾安且吉今乃
執公弟郡庠生詔行狀來請銘按公諱謨字朝猷世
爲海陽甲宗先祖大寶公以宋進士第二人累爲敷
文閣學士禮部尚書致仕文章德業國史郡誌交載
焉歷傳而爲公之高祖進曾祖佛蔭祖瓊及公父成
以成化乙未進士授秋官主事封考妣如其官轉貢
外郎以卒雖年限于命材阻于年可謂無忝厥祖矣
妣陳氏封安人安人鞠公以慈公罔怙息以肆蕪然
循夫集

卷之三

四五

自植立奉安人惟謹先世清甚無厚積公課童力稼
家道益殷祭祀燕饗蠲如裕如且推其餘以卹宗族
之貧者周旋于士大夫間有禮人咸重之至處臧獲
亦罔怨也弘治間授例授將仕佐郎以嘉靖戊戌十
二月二十六日終于正寢距其生成化丁酉享年六
十有二云厥配謝氏賢而淑徵仕郎鑑之女生子二
曰昊昱側室盧氏生子三曰昂曰晃曰景昊昱晃公
率亦卒女壻黃信古劉作孫男二曰楹曰柱子于公
有世勢銘不可辭也爲之銘曰

雖弗官于朝而身則榮也雖弗家于先而蓄則維也雖弗齒于耄而壽亦融也雖弗子于蚤而後則豐也雖洪所抱而畜所施而譽則隱然其蓬蓬也嗚呼若斯人者其遺福寧有窮哉

循天集

卷之三

四六

循夫先生集卷之四

師太史黃泰泉先生選

潮陽郭廷序循夫父著

後學吳仕訓光卿較閱

姪孫郭守命守宗重梓

弧守毅

尺牘

上王府

某疎庸無似辱

聖天子之威命來宰貴溪官職雖

微寔以一方生靈之命委之德不足以使民蒙其恩

才不足以使民畏其神惟冀時和年豐與民嬉嬉庶

循夫集

卷之四

一

幾可以塞責矣夫何歲丁旱荒人仍疫癘十室九空

張口以待哺者紛如而倉庫匱乏無所措手 賢王

若親見其狀尚當痛心而疾首也而一二富室豈曰

無儲不過僅足以自贍耳市井無知既不能推羨以

周急却乃賤易以資商苟貪目前之利不為身後之

謀以致遠近傳聞皆謂紗邑豐稔可以自濟亦可以

濟人繇是富商大賈雲集而買糴自某到任禁約為

嚴秦晉兼愛蓋亦知之之而不為之者誠以先已

而後可以及人有餘而後可以補不足也若乃割已

之肉而充人之腹腹之克者未蒙利而肉之割者先
自斃矣此等小人賢王若親見其事尚當正法以
懲奸也誰生厲階敢爲欺罔以致過信嚴命來臨
俯令移粟惟恐過糴但知饒地之荒而不知信州之
不可爲有也夫變舟之事古之君子爲士之貧者行
之賢王出自天潢大書玉牒當宁有時庸之恩
傳世有祿食之典吉凶喪葬豈賴一縣令之力哉竊
謂軍較千餘王之民也小邑萬戶亦王之民也
又何彼此之分而有親疎之間耶誠恐號令一行乘
循夫集

卷之四

二

機者蜂起萬艦千艘蔽江而下其如一邑蒼生何一
邑蒼生不足恤盛德之累多矣且巡撫明文每以
地方爲憂而發銀于各邑買糴以賑濟者且惓惓焉
茲者之批特指貴溪以發粟貴溪獨非民乎况本省
之運他邑皆赴而貴溪獨遲者其情可量矣是故日
事鞭笞若與民爲仇來使蓋目擊之矣是豈可以虛
言而強爲哉伏乞俯察微言收回成命非特貴溪之
民受其賜某也爲幸大矣干瀆清峻不勝悚息之至

某不肖濫竽門下二十載矣惟我夫子陶鎔而磨礪之特出于諸生之右以有今日成我之功信與生我者並罔極之恩何以報之自思惟有邁往向前而強於爲善庶幾無負立雪之訓耳某也不肖竟墮昏頹罪將奈何某自四月留都拜別函丈六月抵京候缺銓次莫得僻左之邑而居之而安慵守樸也奈何竟不可得而得江西之貴溪承命惛然真若有失夫以英豪之郊數賓客之要津鼠牙雀角之叢簿雖有圓融敏捷之材猶懼未易于措手而况碌碌餘子如

循夫集

卷之四

三

某者乃不穎之尤乎譬如夏蟲負冰商鉅馳河寧知攸濟祇見其沉迷簿書顛倒衣裳尚恐救過之不暇而終于無以自振以爲門牆羞茲當赴任渴欲趨侍辟雍惠徼終教以爲終身之指南無奈憑期已促鄙願遂違瞻望泰階無任依戀恭惟 聖善郎君福壽兼隆有斐君子神明共相舞萊衣奉潘輿日稱觴于庭下何樂如之豈勝贊慶某自今以始匏繫一方鈞履末光未卜下拜之詞伏乞 仁人數言以警頑鈍

敢不書紳以告寡過若乃增斗筲之器置之于黃鍾

大呂之側刻嫗母之容列之于毛嫗西施之列俾諸君子垂青顧焉則在夫子齒頰間耳某誠愚魯小草遠志匪曰全無豈勝脂膏洪湏伊優齷齪以得罪于尊教以自棄于明時耶謹遣小价奉狀起居伏乞垂鑒不備

寄張水南老先生

某自弱冠卽聞吾老師之名矣慕盛德誦高誼傾心翹企若懷古人以爲龍騰鳳躍于青霄之表草茅之士不可得而見寧可得而親耶不啻二十餘年之循夫集

卷之四

四

夢想一日受恩于門下爲知己私心自慶得大君子以爲終身之依歸此生其不虛矣而况柯桐何知見收於爨餘病駒待斃獲秣于道側成我之功信與生我者並罔極之恩將何以爲報耶恭惟老師事業在闕夔聲名重朝著自此坐廟堂而經綸天下活百姓指日可俟某蓋預爲天下慶而豈特爲己私幸哉天相有道台履多福無任頌禱無任欣忭某自四月拜違 函丈六月抵京待註左選意得簡靜以養疎慵而造命者竟以冗繁之地而與之以書生之庸

材而宰貴溪之劇縣日夜淬礪猶恐不堪而况稟弱
多病習懶成性譬如潦水載萬斛之舟鈴刀克九牛
之用其不沉溺而敗缺者幾希雖然某誠不敏豈敢
勇于自棄以爲門牆羞亦欲強鴛作驪捏土爲器以
其不可而學夫人之可者正司馬公所謂聞君子之
風亦知慕之而未能至睹小人所爲亦知恥之但恐
未能免耳茲當赴任渴欲趨侍左右惠徼寵靈庶幾
知步知趨而有所底止也無奈憑期已迫鄙願遂違
瞻望祭戟不勝依倚謹遣小价百拜奉狀伏惟台照

循夫集

卷之四

五

之下矜其愚勉其不及進而教之不勝悚仄之至

寄座主莫葵山憲副

伏自辛卯歲于按察分司叅謁門牆奉侍杖履屈指
于今不覺十載矣山川伊阻音墨載疎企瞻光範址
斗巍然神馳夢往蓋無時不在左右也邇聞大卷經
綸高栖巖壑道體康休神明其祐早懷無任喜慰古
人所謂上天辭將相平地作神仙者吾 夫子其當
之視世之以官爲家顛迷弗還者其相去當何如哉
某憶在冲年竊叨銜範函丈相期蓋以爲一日千里

也詎意萍踪杳梗無所依薄歲華在再四十忽臨雖
雄心壯志耿耿不磨淒雨寒風毅然必往然蘄茲之
雁中餌之魚顧影而不敢進凌波而復自疑者其情
可想矣茲者乃獲天幸濫厠省榜之末豈非才淺識
之所能逮謂非耳提面命之功不可此思此德欲報
其何極耶夙夜自圖惟冀勉強媵脩以無負至教之
萬一耳緣野高風瞻望萬里無繇趨侍以聆緒音謹
此奉問不勝戀慕之至

奉相國夏桂洲

夫集

卷之三

六

庸材備員劇邑埋首簿書朝夕昏亂候問不時罪

積然瞻仰門墻之心固如水之必東蓋靡不日

也執事者非惟不見譴絕且賜之以存問華箋巨

委輝然下貺感愧悚息何以自堪耶恭審尊候慶履

倍臻神明共相 國家之福天下之幸也某生也晚

福祿于茲寔自慶際之不偶依歸之有賴詎意家運

亦薄遽遭鶴鴒之變方寸遂亂疾病遂增不得已已

歸休之文矣萬里關山神鬼飛去懼然軀殼強此

持尤恐當道者不察微情或齟齬而不得遂所望

俯恤而俾得以生還者在仁人君子齒頰間耳行當
馳詣庭下而盡鄙懷仔回先此敬布謝腔伏惟
台照不勝瞻戀感激之至

寄伍鴻山少卿

舊宰潮陽

某三閭風雨舊托提封膏澤所潤幽明及今潘沓
寇竹而人猶歌舞之蓋遺愛之民深于感則去後之
思難于忘固其所也某竊材無佞忝列士類重承撫
摩尤非朝夕昨者留都奉侍光塵辱弗鄙夷賜以歡
宴從容盃酒之間無非道德之談拜荷慇懃殊用感
循夫集

卷之四

七

激自此別去瞻望文光惟有神馳而已邇者候選銓
次承乏江西之貴溪邑莫劇焉辜莫殷焉途莫衝且
要焉漆雕之道既自信之未能尹何之傷亦安保其
或免恭惟 執事吾道先覺吏治宗師自此而坐廟
堂秉鈞軸議論天下之政化進退天下之賢才指日
可俟如某者矜其愚祭其不肯自棄勉其不及進而
教之是所願也而非敢望也茲當赴任登龍未日謹
人上狀兼致薄禮以昭區區惟容頓是幸菊節已深
霜風漸曉伏乞願輔崇重以膺臨軒之寵不宣

奉郭公祖漸齋

某自伏林下時翹仰大君子之盛德懿望思執鞭而不可得不圖今日獲爲部下之赤子也其爲慶幸何可云踰恭審下車以來春生秋殺恩威並著天容地載神人胥悅誠哉其爲父母師帥也吾潮士民何修而獲古循良爲之司牧耶某三閩風雨幸托提封自今以始得栽桑麻而藝菽粟以安父母妻子之養皆公之賜也感戴欣躍當何如耶匍繫微官未繇參謁徒向風頌禱耳茲謹百拜遣舍弟生員郭廷茂犬子循夫集

卷之四

八

生員以賢叩賀庭下少伸子民之恭稽遲之罪殆不可道伏乞 天照而海涵之不勝悚息榮荷之至

奉江貞齋

某竊祿大官庸材稅政碌碌無數以致獲罪于彼蒼不卽加以明譴曠乃降割于我民雨澤罔施禾稼用稿俾老稚奔走倉皇無措尚何顏而安居于此耶反躬知咎又不能痛自修省乃承侍者慰之以茶食拜嘉之餘汗隨背出慚感何堪伏惟調燮陰陽雨露海寓翁之所素具也不知可推一二而指教之以潤

貴邑之赤子否某曾竊觀繁露一書其間閉陽縱陰之說雖論之者以爲迂然出于吾儒之手豈全無用不猶愈于今之道家者流耶敢借一覽中有可訓誨者勿吝垂示幸甚幸甚

謝詹燕峯都憲

某海隅餓生老先生之舊子民也仰承門墻作養之恩非一日矣邇者備乏鄉溪獲鄰貴邑爲幸寔多正朝夕樞衣以聆教益庶幾旣陶日深不負此生奈何縣衝事殷才綿力劣終歲奔走于迎送而不蚤執鞭循夫集

卷之四

九

于左右恭聞 節鉞榮遷又以公事羈絆不能負弩先驅以清行路之塵其踈懶簡慢之罪不容摘髮數矣茲者入覲言還拜謁庭下撫愛有加禮意過隆寔寔厨珍不一而足恩至渥也未學孤生何脩而獲此耶又蒙使者導之出疆行李無虞諸役速備皆 老先生之賜也豈勝感愧豈勝銘刻廿三日午刻至沽頭聞使者復命而還謹附此稟布謝眩下情無任感激瞻戀之至

寄吳竺源年兄

第壬寅歲辱道貴郡極承雅愛華筵珍覬懇洽優渥
有加無已銘刻在心朝夕念之曷其能忘意以甲辰
歲常奉談咲于京邸矣不意吾季兄乃遭內變竟阻
丹墀之對忽聞痛心慰而預執紼之未柰
何柰何弟近以寒薄竊竊貴溪山川密邇披予可望
乃以奔走迎送沉迷簿書忽忽流光竟踰一載不能
以時候問罪積如山然凡貴邑之經此者蓋未
嘗不奉訊也緬審年伯享靈椿之壽子兄獲戲綵之
歡不勝健羨不勝欣企况兼令郎娟娟如子想欲跨
循夫集

卷之四

竄久矣浣慰浣慰弟匏繫于此乘荒瘠之歲值繁冗
之衝爬痒剔垢心力困憊無爲知己道者茲以歲殘
車馬僅稀謹脩尺楮願更馳問兩雪作寒伏乞金玉
以膺川至之福不宜

寄玉雲竹年兄

某匪材叨接鸞飛深蒙教愛豈勝銘刻自辛丑冬一
別我執事登玉堂入烏府近侍清光爲縉紳冠冕
他日相廟堂經綸天下皆自此其階也敬羨敬羨不
意先太孺人忽棄昭代我執事聞訃而奔伏惟季

心純至哀痛柰何荼毒柰何未審牛眠獲吉大事已
襄否也恨隔江山無繇一預執紼之末惟有哀愴而
已柰何柰何弟省侍回家一向臥病去年夏乃赴銓
部竟以蹇命分麾此繁劇之區終日奔走迎送寢食
不寧無能分毫爲國家理一事以福生民也何足言
耶昨者承華翰珍貺久稽裁謝實增慙愧想在原宥
令親葉子謹厚可愛相處間殊有裨益也鴻便謹此
附慰兼候起居竊惟孝在顯揚願寬毀瘠以膺遐福
不宣。

循夫集

卷之四

十一

寄吳拙齋

尊駕榮行高擢在邇平生積學此其一試風雲萬里
莫計脩程蓋邦邑之光也且德門神祐昆季崢嶸而
謙光之德貞固之守尤皆鄉閭之推重生何幸而獲
親炙以自勵耶茲者遠別敬當歌驪駒而躬祖道之
餞庶少伸瞻戀之情矣何意造化小兒遽爾相苦遠
煩尊顧竟不能倒屣以迎而珍貺之賜華言之諭尤
令人感愧無已負痛呻吟強令墨卿代申鄙忱草草
不悉伏乞煥炤不宣

寄劉泉山新昌尹

乙未一別耀靈屢更鸞傷鶴峙之姿海注河懸之談
無日不在夢想間也第丁酉歲過廣陵渴欲參候雪
寒淖甚咫尺不可步襍被舟中徒悵仰耳及其霽也
風順流駛黃帽歡呼不可留矣客歲再經執事司文
衡于闡旌飾之光無繇獲覩室邇人遐懷企彌殷望
月相思將無同耶邇聞 朝命寵頒師帥于浙之新
昌雖文獻民物之邦可以垂簾懸鞭而不勞餘力然
昔人有言一旅之衆何足以揚名步武之間曷足以
循夫集

卷之四

十一

騁跡輿輪蓋稱屈矣第念古之大有爲者未始不歷
試諸艱而龔黃卓茂魯恭人至于今稱之寔自郡縣
中來也殿柱之書循吏之傳吾預爲執事頌之茲敝
同年潘內翰小簾先生以艱還鄉附此奉問便中勿
吝教音幸甚幸甚令兄大郡博先生盛德久淹行當
峻拔稽問罪弘相見間代達鄙意萬萬天氣向燠未
審尊候何似伏惟爲我自愛爲道自壽不宣

寄諸親友

相別一年相望千里路遠問疎益不勝其勞積也緬

想疇昔聚會宛若夢中月白風清誰與共酌柳濃花
擘誰與嬉遊耶撫景傷懷觸緒感心曷能自己聞栖
梁之燕音聽吟壁之蛩語侶爲我于邑也不審諸公
於羽觴交飛之際壺矢相觴之秋笙簫合奏之夕亦
齒及鄙人否嵇叔夜謂一行作吏此事便廢誠哉是
言也生附驥以趨幸達周行分之遭耳無足爲諸兄
道者茲乃棲遲旅次日操南音歸期悠邈咲談靡卜
清泉白石想惟盟寒曉猿夜鶴寧無驚怨耶損齋告
回彌增岑寂聊因子墨略布依依勿吝泥封因風擲
循夫集

卷之四

十三

教千萬千萬燕地早寒旅人多畏今已冒重裘矣想
吾鄉炎氣尚強伏惟珍脩自重不宣

寄建昌尹蔡次軒年兄

京華携手促膝承歡良願易違匆匆分袂一日江空
暮雲千里屈指光陰忽踰霜降遙瞻顏色夜夢見之
想嚴冬清吉巍然視篆香爐增色墨池生輝矣豈勝
贊慶竊惟郡邑于民最親平生抱負于茲可驗粟賤
之謠當指日洗耳也某濫竽郡居苟焉度日雖懷耿
耿未繇一吐乞歸之情旦夕或遂對床風雨未卜何

兩鄭少南權教建學舟便附此申詢起居南望匡廬
心馳神往

復黃南溟年丹

仗劍別後欽企風流靡日不思停雲爰歌悵恨如何
忽辱手誨存問勤懇不啻滴翠之珠滅癥之玉自空
而下振衣披讀精神百倍紫芝眉宇恍然在目且申
之以重貺感鏤何可勝喻惟兄廊廟備繩楹棟良材
在內在外無施不可固當垂不滅之聲振無窮之業
矣餘光叨被豈勝嘆仰弟瑣瑣碌碌妄圖進取所謂
循夫集

卷之四

十四

二百六

裹燕石而履玄圃帶魚目而遊漲海自分淪棄舊矣
遽意濫吹竽之列起續貂之譏祇以增愧赧耳豈足
爲賢者道哉使厠凌遽未究欲言草草布謝炤亮不
宣

寄建昌守朱東川

昨者奉別光顏真如弦箭之分悵然若有失也立馬
瞻望見烏帽之出沒者久之金聲玉色至今猶在夢
寐間也建人霖雨之渴深矣未審文旆之臨何日也
慈祥之風愷悌之政吾預爲建人慶之肯齊高選又

在屬邑彼民何脩而得蒙吾邦大君子之澤至此耶
生沉滯多年習懶成癖一旦拘束于軒冕法度中益
鬱成病矣極欲求歸躊躇無計會晤未卜其何時也
臨紙懷仰千萬珍重

寄鄭執齋

奉別忽數月不忌懷仰仙舟想抵家久矣京邸誨愛
在耳在心何可云喻所可嘆者劉黃下第我輩登科
祇增愧赧耳大抵究竟茲事謂非分也不可僕匏繫
于斯日滾滾于風塵中尋思平昔燈牕之談咲杯酒
緝夫集
卷之四
十五
之緒論彷彿若夢寐也昔人有異姓弟兄竊謂生於
執事以之子弟童僕寧無面順而背非者乎毋吝爲
家兄一言可也求歸雖切會緣未筮此心耿耿筆墨
難文照察千萬珍重千萬

寄潘南牕年兄

前過淮陰腆承禮待至念在茲也李東湖來辱書存
問相去千里恍然若奉光儀且承貺賚穠疊不肖何
以堪之准人誦聽竊聞爲慰以慈祥愷悌之心發爲
評密精審之政而持之以貞誠固愨之守此古人所

難也區區飄蓬流落益亦有年雖邁往之志不敢衰
而少年英銳之氣亦漸已玄黃望諸故人於鸚鵡叢
中若在紫氣雲霄間無復攀援之想矣遽意造物弗
棄一旦厠羣彥之末禿果何脩而得此哉緬念疇昔
聚會之樂談論之雅執事于我不無琢磨之功也未
緣叅謁懷企徒殷惟冀調燮為邦家光萬萬

寄周通府

前于旅邸叨接輝光敬佩嘉德無以為喻塵事倥傯
弗獲時承動靜以為未遽違京闕也矧值脩省之秋

循夫集

卷之四

十六

啟里諸君議舉祖餞之禮而未敢不意旌旆遂爾南
也此心歎然至今夢寢不遑寧止禁何奈何想八月
清吉榮登貴任賀賓后塵愧阻叅候徒望斗山而仰
祝耳大雅君子舉動自當迥別吾預為吾潮慶之曾
在粟齋年兄處見高作文酷類漢之西而詩彷彿唐
之盛然則于吾啟邦不特百姓幸得君抑且多士亦
幸得師矣曷勝欣慰曷勝瞻企區區匏繫于茲歸期
靡卜君子之邁未之敢請香帕小書遠將奉賀之敬

乞垂照不宣

寄宗族

某不才自幼辛勤以至於今年踰四十矣乃始僥倖叨一第此皆我祖宗積善之覆也特念我 祖母寡居六十餘季而守我 父我父不幸蚤喪不得送我 祖母以終天年今日某雖已成名而不令我親一見 縱榮且貴不啻若窮人無所歸此罔極之痛也終身之恨也惟我 祖宗我 伯父我 父平生善友愛兄弟善和睦宗族善憐恤鄉里天地知之鬼神知之是以垂福而及于眇躬雖鄉人之識與不識皆以爲 循夫集 卷之四 十七 三十一

當然而不我忌我豈敢忌我 祖宗我 伯父我

父之大德哉雖然祖宗之福垂裕後昆者乃方興而未艾惟在我兄弟子姪共念先人之善共保無疆之休處兄弟必友恭處宗族必和睦處鄉里小民必憐恤母以財相爭母以氣相尚毋聽信讒人之言而相殘鄉里之人必與之相安相樂而毋相凌相欺若是則惠迪吉善逢祥我家之慶豈止如今日而已哉

又

惟我祖宗辛勤積德繼繼承承以至於今惟 天地

鬼神寔所鑒。臨俾我子孫。蕃衍共守舊業。罔有失墜。
某匪材蒙庇。特深負恩。惟重率繇庭訓。載忝甲科。夙
夜惶惶。惟恐少有罪戾。以辱我前人。惟我族屬。宜共
率我。祖宗攸行。毋蹈匪彝。以獲天譴。庶幾永有今
日。傳有之曰。樹德莫如滋。除惡若如本。格言也。吾兄
弟子姪。其慎旃。世有險僻。爲心貪婪。爲行刁姦。作朋
詞訟。輒興鰥寡。是侮愚弱。是凌至骨肉。相殘帷幙。弗
脩者。往往不有人刑。必有天禍。不在其身。必在其子。
孫。吾兄弟子姪。其監諸母。謂善小勿爲習。與性成。則
循夫集

卷之四

十八

三百四二

動罔不吉。毋謂惡小。胡傷過與。日增則動罔不凶。易
有之曰。積善之家。必。有餘慶。不積善之家。必。有餘殃。
至論也。先聖豈欺我哉。

復姪邦孚節推

別許多時。久欲作問人事。匆冗因循。至今陳二尹來。
得書。殊覺眼明。殊慰渴想。吾賢姪居官。清苦俸餘。見
寄過濃。予何以堪。閩人相見。多道善政。且云故家人。
物。自是迥別。區區用以增色。誠可謂克振我家聲矣。

豈止不墜而已哉。鄭親諱恢者。來自潮道。尊甫老姪。

康健倍常欣喜無極吾姪得以盡力王事矣烟霄路
遠惟賢者穩步吾當拭目以俟區區強顏無取幸叨
一第此 祖宗福庇也豈敢自棄以忝我前人茲者
選期遙遠家書忽報你嬉天故客中心思亂矣決百
計求歸也會錄年錄息香附去人忙草草將遠意耳
寄利見齊僉憲

幸托年盟深沃雅愛久違

台範寔費夢想去歲舟

經留都意得以瞻望豸角之峩峩于烏府栢臺中少

慰此傾想矣東南風順賓興期促同事朋儕不可強

循夫集

卷之四

十九

二四三

留咫尺之地遂成參商至今令人鬱鬱茲審命嚴持
斧志切埋輪固知豺狼避道猩狴屏迹矣閩越之民
得以各安生理而無驚者皆大君子之賜也江山間
阻未繇申燕雀之私因循至今罪咎寔弘蘇老泉有
言相見則以數至門爲勤不相見則以數致書爲忠
讀書至此寧不增愧赧哉惟執事察其情而原其心
尚寬宥之舍姪某承乏漳推叨恃悻悻不識亦堪鞭
策否茲有故人袁子某者授連江尹相與平昔素有
操持觀其志意當不肯自比于匪人伏惟拂拭而寵

使之則公輸之室皆有用之材伯樂之廐無可棄之
足矣某半生落寇番老幸成茲以選期遙遠蒙
恩放歸會晤之期未之敢卜謹此奉問與居臨風戀
戀無任馳源之至

說

文說贈潘子良臣

潘子自檐州來請學文于予予曰古人之學也文乎
哉吾不敢知也其不以文乎哉則六經未之有逮焉
然吾聞之文者道其主氣其輔也故天地者道也一

循夫集

卷之四

廿

三百一十

氣流行萬物自生子欲爲文乎其博天下之觀而極
其趣以克其氣助其道文可幾矣是故觀源于海于
江而得其波濤之震驚魚龍之出沒風檣電艦之往
來則其橫放而不可禦觀草之天木之喬而得其濃
者淡者鬱而馨者爛而都者燒而美者爛熳而不可
勝窮則其文穠郁纖麗彌出而彌新觀九疑之山劍
閣之道而見其嶮然巖然礧礧然嶄巖然嶄巖而截
薛然瑣細而不可名狀則其文崢嶸峻拔而愈奇觀
鴻濛決漭之嶷而聞夫鶴怨猿啼禽鳥啾啾噍者如

哀厲者如怒鬱者如訴有不忍盡聞者則其文憤激而有餘思觀戰陣于野而見其虎鬪與龍爭弓矢續如鏡鼓沸如劍戟鏗如車馬突如其來可驚可愕可惟可駭則其文蹈厲雄壯而其鋒不可當觀大禮于朝廷而見其舞蹈之雍容進退之趨踰揖讓之閑雅無所諠也無所傲也則其莊敬而嚴整有士君子之風是蓋盡天下之變羅而致之于胸中契之深故取之無盡見之大故資之有餘矧時而以道出焉六經之文其在茲乎子之文吾嘗評之其言辨而裁其思

循夫集

卷之四

廿

華而藻似乎有得于斯者而能道以貫之學以綜之用斯裕矣否則字而雕句而鍊小巫手也不其陋乎潘子曰然遂書以贈之

蔡誠字存甫說

古者君子之于子也切而名之以成禮也冠而字之以尊名也名成乎禮故釋淑以昭祥字尊乎名故演義以明稱玉泉蔡君吾寅長也命其冢子名誠望之厚也期之遠也茲廼賓子而冠之且以字請子辭弗獲則告之曰嗚呼至誠之道大矣哉宜寔無妄其体

也悠久不息其用也真實無妄故無爲悠久不息故
有徵聖人能事也令哉名乎玉泉其以聖人之學告
子乎雖然吾聞之誠者聖之本也而存誠者學之事
也不存乎誠而至乎聖者誣也存之若何是故一以
明志敬以崇功循循勉勉內外交養業業乾乾遐邇
弗遷母俾僞參母令邪塞母令私蔽母爲利怵夫然
後一念之動動與天俱一行之發發與道符是謂存
存不已至誠而止與誠爲一入聖之室請字誠曰存
甫夙夜其慎旃哉困爾無甘荒爾無隨養之克焉文
循夫集

卷之四

廿二

乃潤習之熟焉效斯彰動于其身其色瘳如施于其
家其意翕如他日措之天下其道藹如可配天地可
合鬼神君子之全功在茲至誠之道大矣哉若或顯
而趨冥而墜暫而強久而亡斯僞也已誠勉乎哉願
爾名思爾字其無忘父師訓

謝以樂字和之說

謝生以樂吾友竹齋先生之長子也厥初生聞其戲
咸知其性溫良焉命是名蓋遠之乎其望子矣茲旣
冠請字于予以教之子曰吾何以字而爲之吾聞樂

之爲物其費也清明廣大以道則昌誠伸俯仰以文則揚欣喜歡愛以情則暢節奏鏗鏘以聲則彰鼓舞作興以化則長甚矣樂之爲物費也吾何以享而教諸雖然吾聞之樂者樂也樂者和也順乎情而無所拂之謂樂合乎理而無所違之謂和故曰樂者天地之和也又曰和者天下之達道也樂本乎和爲平爲中平中道之極也反是爲滯爲縱滯縱德之賊也是和也者樂之所以樂也故盈天地間皆樂也皆樂則皆和也寒暑相推四時行焉天之和也陰陽相感萬

循夫集

卷之四

廿三

物生焉地之和也恩義相孚百姓親焉人之和也道化相摩四方寧焉世之和也是故天非和弗經地非和弗承人非和弗行世非和弗興而樂行乎其間矣故和也者樂之所以爲樂也匪是非古也非古樂云乎哉故字以樂曰和之庶幾過有制焉不及有補焉允矣其協于中哉雖然未也和美德也義近于同同私意也弊流于比認和弗真而入于同猶可言也執同則偏而昵乎比危乎哉子蓋慎旃能致樂以致身則身和致樂以治心則心和推而行之于家則家

和舉而措之天下則人和而天地之和應矣斯乃儂者全功聖人能事樂之爲效大矣哉子盍勉旃竹齋乃命以樂拜稽首曰樂也允罔聰敬承先生訓敢不夙夜祇以佩

劉源字宏派說

吾聞古人之命名有二義焉近取諸身以明道也遠取諸物以孚德也劉君邦任命其家嗣曰源湊謂非孚德不可茲旣冠賓謝子竹齋而字之竹齋曰吾何以字子哉吾聞源者泉之始出也湊者清之別名也

循夫集

卷之四

廿四

惟橈弗渾澣寔攸存惟澄彌澈汚是用潔湊之義大矣雖然不濬其流則濟罔周乃宏厥派則用斯大是故渺渺漦漦可楫可舟潢潢漾漾宜渥宜灌灑灑溲溲孰潤孰焦敢字之曰宏派庶孚德之義淵哉劉君告予予曰未也謝子明其義予請廣其思夫水之源猶心之本体也源之湊猶心之光明也而派之宏猶其應萬事也是故惟明惟光物染則荒勿交勿引天德乃彰充拓得法萬化斯揚學用有成名乃無疆勗哉劉子勿忽勿忘劉君作而喜曰惟子之言進于是

矣豈特誘吾子述以告諸鄉先生咸曰善哉從謝子之言可以興郭子之言可以大勉也書諸紳其毋爲成人羞

學難贈洪子

洪子懋達桂山名士也學將有緒乃懇益于予曰甚矣學之難也難過莫如惰難強莫如勤弗強厥勤則罔功弗過厥惰則道廢甚矣學之難也思其難以圖其易敢問曷以予曰善哉言也其切問近思矣乎吾聞之勤惰繇心生者也惟惰生於有所惰惟勤生於循夫集

卷之四

廿五

有所存是故勤之道有五萎約彌勵曰貞湛一弗駁曰純虛洞克受曰明研窮達與曰精漸摩俟化曰寧斯五者勤之與也惰之機亦有五虺隤用振曰燕馳驚逐物曰荒依蔽自用曰罔憚慢違矩曰亂遑遽圖成曰妄斯五者惰之罔也恥燕也而格焉斯貞矣恥荒也而格焉斯純矣恥罔也而格焉斯明矣恥亂與妄也而格焉斯精斯寧矣夫勤與惰互相勝也惟勤弗強則惰斯長惟惰克去則存迺固允若茲可以崇德可以適道矣孰謂學難也哉洪子起而拜曰旨哉

敢不惕以佩嗣是省其學則彪然章焉察其行則懿然良焉翫其文則淵然光焉蓋造之深能自得矣于索贈言則書以昇之曰子惟慎厥始圖厥終道在茲矣子何言

外家楊氏分書

粵稽古無分財之義有之自叔季始天下無寧家矣柳惟親命廼孚惟爾父弗弔棄諸狐以沒于世今我曷忍俾爾昆弟蕩析以居以妨同氣抑聞人有言曰前謀弗臧貽悔斯長慮後惟慎家乃用興是故財以循夫集

卷之四

某

均分其競釋也事以公行其憾弛也惟乃祖乃宗新創薄業以遺爾子孫休自而父以至於今罔敢失墜亦惟祖宗業是勤是繼爾昆弟其念哉茲請族父諸親公爲汝二人謀俾各長于厥居田分則以租地分則以稅腴瘠雖均脩短廣狹其截以補靡或有偏惟爾某母以我繼庸有後言惟爾某母以我親怙恩以侮惟子一心亦惟恪守爾父遺言用祈見爾祖于地下爾昆弟其念哉雖然義弗與財俱分情豈隨居而異繼自今尚協乃心力克虔爾祖先祀事母逸母頌

兄弟其以友恭長，爾母凌切，爾母侵以自作，弗餘賦。後其以時輸，公咎勤乃事，母自納於刑史，爾其慎哉。如有弗若，予言弗從，予命者不孝，咎彰其執，付官司以從刑，罰罔有攸宥，嗚呼戒哉。

立姪世綱爲宗子

曾謂家之有宗，循國之有君也。國無君則民乃亂，家無宗則族乃離。是宗子者，所以主祭祀而統族人也。故曰宗法之立，嫡長之尊，有君道焉。是故有子則承繼，無竊罔後，則昭穆以序，不以絕而廢，不以庶而亂。

循夫集

卷之四

廿七

九所以尊祖也。我家弗弔宗子之亡，舊矣。自我先君以廷弼爲宗，而族始合。自廷弼罔嫡嗣爲後，而禮復亡。越厥有年于茲矣。我諸兄乃會宗姓，稽譜牒，參諸經而立曷焉。蓋以二房之次嫡而繼長房之後也。誠有取于晦庵之說，肝江之議耳。宗人僉曰宜哉。乃詠吉日乃告宗廟，乃呼曷而訓之曰：嗚呼世綱宗子之責大矣哉。以事祖宗，弗敢弗虔，以率族屬，弗敢弗貞。自今至于後日，尚其棄爾舊習，崇爾新德，勿謂善小。

弗臧，勿謂惡小，非傷安詳謹畏，乃入贊之階，放逸怠。

惰斯履僻之途汝其戒哉毋輕祖業惟艱毋比匪人
惟賢勤儉以守乃所以成家便側是昵適所以敗德
汝其慎哉允若茲斯無忝于祖無愧于宗矣雖然未
也臨事而爽則恒德何觀當祭而頽則素履爲僞是
故其致齋也惟志欲精惟行欲明惟厥射欲省君子
脩之其在廟也罔諠譁而失禮禮失茲謂荒罔跛倚
而失儀儀失謂之慢罔局促而失度度失之謂狂君
子戒之允若茲斯可以承釐可以受嘏矣吾以爲世
綱勉焉或不然冥冥焉而趨俛俛焉而之誨焉而弗
循夫集

卷之四

世

聽過焉而弗悛吾見祖宗弗饗誰能汝饗神鬼時恟
誰能汝宗是自取咎也已是自取廢也已吾又以爲
世綱規世綱敬哉世綱往哉用汝成德以副予命毋
爲宗廟羞

附錄

先雪舟公墓誌銘

嘉靖壬辰秋九月己未潮陽處士雪舟郭府君卒于
正寢次年某月某日葬于東廂林崗里先配丁氏實
同穴禮也厥孤循夫從子久相麗也深迺者以其伯
兄實夫狀來速銘誼不可辭書其善以昭勸而掩諸
幽亦禮也既驚但惟殄瘁是懷其何能言惟曰嗟嗟
世方效攘納醯蠅巖競訐胥囂乃能遜財于同氣雖
出異母人無間言羣從子姓來質成無不心服者從

循夫集

卷之四

廿九

子婦寡亡嗣有禾千屢瀕成丐一孫爲後慮遠竟弗
予而予他支子是謂順而義惟曰嗟嗟世方櫛私曷
遑亢宗乃能建先祖墓祠考祭田立祭主以合族燕
毛俾一門數百口不睽以散是謂孝而睦惟曰嗟嗟
世方醉醇飽鮮愒聲漁色乃能郤華采甘蔬食勸封
殖則謝之售貨稍廉則麾之丁氏賢弗壽年僅不惑
卽不再娶終身恒隱几讀書旁通曲藝詠物鳴琴以
自適於世紛澹如也是謂靜而貞惟曰嗟嗟世方暴
慢用失家術乃能訓子以六經究竟心學怒以威之

寬以迪之無或納于邪風與躬洒掃無或見其晝寢
門庭井突亦無或弗蠲俾外內是式是謂慈而教惟
曰嗟嗟世方攻訐魚然雷衆自賢乃能談咲受亡人
之侮且謝過焉見權而橫者戒子以勿近而外敬之
是謂和而毅惟曰嗟嗟知順不知義其蔽也利知孝
不知睦其蔽也狹知靜不知貞其蔽也流知慈不知
教其蔽也姁知和不知義其蔽也隨府君其免矣夫
府君諱漢字文仁高祖若雄曾祖調昌祖聰皆有潛
德父吾奉勅旌義賜建坊嫡母親母皆楊氏其生

循夫集

卷之四

三十一

成化甲午五月十四日壽五十有九娶丁儒人宋大
夫允元之後先十九年卒子男六人長廷秀卽實夫
舉戊子鄉進士次廷序卽循夫舉壬午鄉進士次廷
瑞廷向廷羨廷茂女一嫁士人楊斌孫男五人時舉
特見時望時允時言孫女二鄉黨謂府君食報當無
涯云銘曰

郭氏之先裔自汾陽固始遷閩家莆魏塘宋有義重
篤孝致祿仕廣遷潮玉浦基昌提領分居南陽之岡
慶延府君爲奕用光人炎是趨不以其臧我教是詒

不禱而章既世厥孝胤也孔良我銘幽宮以永不忘
賜進士出身奉政大夫廣西按察僉事奉

勅視學致仕前翰林院編脩同脩

國史 經筵官秦泉黃佐撰

邑大夫介齋郭君墓誌銘

維歲丁未四月十四日任貴溪大夫郭君季享年四
十有七越明年戊申蜡月十有九日葬于海陽厓隍
山前事之月厥嗣以賢手行狀介幣號告于竹居子
曰嗟我大夫將以吉辰歸玄宅宜有銘惟年執其念
循夫集

卷之四

卅一

之敢因以請竹居子受焉作而唱者棗鏡紛如鸞麟
不世出芝榮易悴而猶蒿之生也茂物則有然者矣
矧賢人君子出爲世瑞天寧不靳其光耶予與君爲
年友且也姻愛又常叨史氏之職君行應銘法子又
禮葬敢不諾而銘諸君諱廷序字循夫介齋其別號
也祖居潮陽縣直浦都竹橋里二世分居貴山之南
陽其先光州固始人胥沿爲唐令公後裔徙閩南長
樂再徙莆之魏塘宋有義重者以孝行集祥被旌垂
血食焉嗣是有諱浩者以宋紹熙進士官廣居潮之

竹橋是君之始祖也季子諱玕因南陽之形勝遂卜居焉自玕而朝貢而若雄而調昌而聰而吾出粟倫賑江右勅旌義民復脩廣濟橋因卜郡治與李子漢以居漢別號雪舟君之父也隱德弗耀所交多名士娶望族仙田丁氏喪偶不再娶鄉稱長者君生而聰警異凡兒不妄言笑非父兄召不踰閭卽出循循雅飭閭里人不識爲郭氏子及爲舉子業出入經史穿貫百氏甫弱冠補邑庠弟子卽能挺立不逐時好從黃泰泉學士游甚禮敬焉督學歲考冠多士廩縣循夫集

卷之四

卅二

官壬午同予登鄉薦屢上春官不第恒言居今之士非繇科甲雖孔孟不得行其志故究心學業不少怠居家篤于孝親事兄訥齋敬甚撫諸弟無同異其祀先一于虔恭雖羶物必整潔與人交坦衷猶嚴決擇故賢者薰其德不肖者厭其量性不殖貨利日課子姓諄諄以安義命爲訓自守端恪非公事不迹郡邑親故不敢干以私郡大夫嘉其恬澹助以鱈舫不受會試屆期邑吏爲具資斧君以不赴還焉族有無嗣者租數千斛欲後君之子不許以族支子後之其廉

介如此常有言曰吾爲士不求有司異日爲有司必無請求者矣性剛遇事無所回互有不可輒面斥然不滯胸中其律身一于介號之所取蓋其所存者及成辛丑進士試事大理日取獄牘而閱之曰用世不知法律腐儒耳居無何疏回祭掃社門不與外事戒弟姪僕佃不得非爲犯者繩以法厥配楊孺人先君而亡或勸其再娶君曰有先君雪舟之懿範在焉終不聽治家嚴正越三年赴選得貴溪縣素稱難治君清操勤敏庭無留事獄無滯囚隱恤民瘼不動毀譽循夫集

卷之四

三

政有不便者必詳請之民有怙終者雖權在不貸時宰夏桂州公蒼頭觸憲必按之法有干者峻拒之甚至揭之以示有司理大瑞奉

命江右所過索取少不如意輒凌辱有司迨至貴溪君正色抗言阻其橫暴嘗有書寄予謂治劇邑無他才能惟取法東泓君耳及聞長兄訥齋訃哀毀成疾請歸不獲割俸葬兄給食贍嫂保撫其姪立祭業以厚其先皆人所難能者乙巳大旱而君積誠以禱甘雨輒降時富室閑糴君平其價民多賴焉又便宜發

粟而後申白全活者不可勝計又請給銀賑饑納銀贖罪穀價益平民甚便之王府檄縣糴谷以助喪葬君曰今何時哉如吾民何不聽尤加意學政第儒生之貧者而恤焉資以燈油助以喪葬課業有稽行義有旌士篤于文行競相勸勵當道有行部至無事可問檄往視他邑代巡魏公獎云恬退守已愷悌宜民荒政尤能留心窮鄉多知感德至于各項錢糧爲勢豪營徵民苦之君革去收頭置一大櫃于堂內分數格上開數孔貼而示之掄公正老人司其數令納戶循夫集

卷之四

廿四

眼同納諸孔中直堂登簿給以小票積至數月令庫子開櫃驗其多寡對簿領錠貯庫類解官免追併之勞民受便納之益至今以爲良規其里役不均積弊尤深君乃通融丁糧分爲上中下戶輸餉民尤德焉丙午冬入覲里出貳百金以質行李曰明府爲民省費多矣出所省百一以奉公于民未病君曰朝覲自有應得豈可妄動里甲卽有舊例吾不忍效尤也却之入京毀譽出于愛憎未嘗動于衷每于詩焉發之鎮任至維陽得疾溘逝幸姪大猷在側經紀後事君

生于弘治十四年辛酉九月十五日午時終則前月
日午時昆季六人兄廷秀嘉靖戊子鄉舉君其次也
弟廷瑞俱丁氏出弟廷向廷茂庠生廷美俱庶母黃
氏出厥配楊氏郡城楊煦之女有賢行克敦孝敬生
于弘治十四年辛酉歲閏七月二十一日寅時卒于
嘉靖二十年辛丑歲五月初五日巳時子男二人長
以賢郡庠生娶翰林院直內閣署丞白湖李一望長
女次以明子婿也俱楊氏出女一方四歲側室鄭氏
出孫男一曰維城南六歲孫女一尚幼君所著判語
循未集

卷之四

世

一部刻貴溪邑庠詩文策畧一部藏于家嗚呼君負
大德而用未究中道云徂人咸惜之廼爲之銘庸昭
不朽

銘曰富兮貴兮天死兮生兮命賢兮不肖兮人吁嗟
乎大夫天兮命兮人兮繫不足者化光有餘者後昌
辭兮蒼兮永終藏兮勒貞珉焜無疆兮

嘉靖二十七年歲在戊申十二月上澣之吉

賜進士奉政大夫右春坊右司直兼翰林院編修前
尚書兵部郎中同郡年弟竹居薛僑撰



